

**NOGOMETNI / FUDBALSKI SAVEZ  
BOSNE I HERCEGOVINE**



**SLUŽBENI GLASNIK  
NOGOMETNOG / FUDBALSKOG SAVEZA  
BOSNE I HERCEGOVINE**

**NOGOMET / FUDBAL BIH**

# **DISCIPLINSKI PRAVILNIK**

## **NOGOMETNOG/FUDBALSKOG SAVEZA BOSNE I HERCEGOVINE**

**Sarajevo, 27. decembar/prosinac 2014. godine**





# S A D R Ź A J

## I OPŠTI DIO

<b>I Osnovne odredbe</b>	strana br.
Predmet (čl. 1) .....	7
Značenje izraza (čl. 2).....	
Svrha kažnjavanja (čl.3).....	
Odgovornost za prekršaje (čl.4).....	
Kažnjavanje za pokušaj (čl. 5).....	
Kažnjavanje bez saslušanja (čl. 6).....	
Podstrekavanje i pomaganje (čl. 7).....	
Nepoznavanje propisa (čl. 8).....	
Subjekti disciplinske odgovornosti (čl. 9).....	
Muški i ženski rod (čl. 10).....	
<b>II Disciplinske sankcije</b>	
Vrste sankcija (čl. 11).....	9
Opomena (čl. 12).....	
Novčana kazna (čl. 13). 14).....	
Zabrana igranja (čl. 15).....	
Nadležnost vođenja disciplinskog postupka u vezi sa KUP takmičenjem i izdržavanje kazne (čl. 16).....	
Automatska kazna (čl. 17).....	
Zajedničke odredbe za izdržavanje kazne zabrane igranja i automatske kazne (čl. 18).	
Javna opomena (čl. 19).....	
Zabrana igranja utakmica u inostranstvu (čl. 20).....	
Zabrana igranja utakmica na određenom stadionu ili stadionima određenog područja (čl. 21).....	
Igranje utakmica bez prisustva gledalaca (čl. 22).....	
Oduzimanje bodova (čl. 23).....	
Kazna negativnih bodova (čl. 24).....	
Kažnjavanje kluba i njegovih timova (čl. 25).....	
Vraćanje u niži/najniži stepen takmičenja (čl. 26).....	
Zabrana suđenja određenog broja utakmica (čl. 27).....	
Zabrana vršenja funkcije (čl. 28).....	
Smjenjivanje rukovodstva (čl. 29).....	
Isključenje iz kluba (čl. 30).....	
Isključenje iz nogometne/fudbalske organizacije (čl. 31).....	
<b>II Odmjeravanje kazne</b>	
Olakšavajuće i otežavajuće okolnosti (čl. 32).....	18
Odmjeravanje kazne za sticaj (čl. 33).....	
Ublažavanje kazne (čl.34).....	

Teži prekršaj (čl.35).....	
Ponavljanje prekršaja (čl.36).....	
Potvrđivanje klupske kazne (čl. 37).....	
Prekršaj na međunarodnim utakmicama (čl. 38).....	
Odgovornost klubova za rad sportskih radnika kada ih predstavljaju (čl. 39)...	
Povreda propisa i društveno sportskog vladanja (čl. 40).....	

#### **IV Zastarjelost**

Zastarjelost pokretanja i vođenja disciplinskog postupka (čl. 41).....	20
Zastarjelost izvršenja kazni (čl. 42).....	

#### **V Evidencije**

Evidencija o kazni (čl. 43).....	21
----------------------------------	----

## **II POSEBNI DIO**

### **I Nesportsko ponašanje i fizička sila**

Nesportsko ponašanje (čl. 44).....	21
Gruba igra (čl. 45).....	
Fizička sila (čl. 46).....	
Fizički napad igrača na igrača za vrijeme igre (čl. 47).....	
Fizički napad igrača na službeno lice utakmice (čl. 49).....	
Fizički napad igrača na sportskog radnika (čl. 50).....	
Fizički napad igrača na gledaoca (čl. 51).....	
Fizički napad sportskog radnika (čl. 52).....	
Učestvovanje u tuči (čl. 53).....	
Upotreba sile ili prijetnje prema službenom licu utakmice (čl. 54).....	

### **II Slaba organizacija i neredi**

Slaba organizacija utakmice (čl. 55).....	25
Upotreba pirotehničkih sredstava (čl. 56).....	
Neredi na stadionu (čl. 57).....	

### **III Prekidi i neodigravanje utakmica**

Prekid utakmice od strane igrača (čl. 58).....	27
Prekid utakmice od strane tima (čl. 59).....	
Nagovaranje na prekid utakmice (čl. 60).....	
Neodigravanje utakmice (čl. 61).....	
Odustajanje od takmičenja (čl.62).....	

### **IV Nepravilno nastupanje igrača i klubova**

Nepravilno nastupanje igrača (čl. 63).....	28
Nastup suspendovanog kluba (čl. 64).....	
Prekršaj u vezi sa registracijom igrača (čl. 65).....	

<b>V Neispunjavanje određenih obaveza i otežavanje rada</b>	
Neispunjavanje reprezentativnih obaveza (čl. 66).....	30
Otežavanje vođenja postupka (čl. 67).....	
Zanemarivanje obaveza (čl. 68).....	
Obmanjivanje i dovođenje u zabludu (čl. 69).....	
Neizvršavanje odluke nadležnog organa (čl. 70).....	
Propusti u vezi sa snimanjem utakmice (čl. 71).....	
 <b>VI Prekršaji sa koruptivnim obilježjima</b>	
Učešće u neregularnosti (čl. 72).....	33
 <b>VII Prekršaji sa obilježjima diskriminacije</b>	
Vrijeđanje i klevetanje (čl. 73).....	33
Rasizam i drugi oblici diskriminacije (čl. 74).....	
 <b>VIII Prekršaji u vezi sa kodeksom ponašanja, anti-dopingom i licenciranjem klubova</b>	
Prekršaji vezani za povrede kodeksa ponašanja i anti-doping (čl. 75).....	34
Neizvršavanje obaveza u postupku licenciranja klubova (čl. 76).....	
Neizvršavanje obaveza u postupku licenciranja za UEFA-ina takmičenja (čl. 77).....	
 <b>IX Prekršaji u vezi sa međunarodnim utakmicama</b>	
Nastup klupskog tima u inostranstvu bez odobrenja (čl. 78).....	35
Odigravanje utakmice u inostranstvu bez odobrenja kada se tim nalazi na turneji (čl. 79).....	
Nanošenje štete ugledu NS/FS BiH i našoj zemlji tokom igranja i boravka u inostranstvu (čl. 80).....	
Nepravilan nastup igrača na javnoj utakmici u inostranstvu (čl. 81).....	
 <b>X Prekršaji službenih lica utakmice</b>	
Nedolazak na utakmicu (čl. 82).....	38
Nesportsko ponašanje (čl. 83).....	
Nepravilno naplaćivanje troškova (čl. 84).....	
Izjave u sredstvima informisanja (čl. 85).....	
Uvreda i kleveta (čl. 86).....	
Fizički napad službenog lica utakmice na drugoga (čl. 87).....	
Obavljanje dužnosti pod suspenzijom ili kaznom (čl. 88).....	
Neopravdan prekid utakmice (čl. 89).....	
Poništena utakmica krivicom sudije (čl. 90).....	
Netačan izvještaj sa utakmice (čl. 91).....	

### III DISCIPLINSKI POSTUPAK

#### I Disciplinski organi

Disciplinska komisija NS/FS BiH (čl. 92).....	41
Disciplinski organi entitetskih nogometnih/fudbalskih saveza (čl. 93).....	
Disciplinski organi kantonalnih, županijskih i područnih nogometnih/fudbalskih saveza (čl. 94).....	
Disciplinski organi klubova (čl. 95).....	
Izuzeće (čl. 96).....	
Nezavisnost u odlučivanju (čl. 97).....	
Povjerljivost (čl. 98).....	

#### II Načela disciplinskog postupka

Osnovna načela disciplinskog postupka (čl. 99).....	44
---	----

#### III Pokretanje i tok postupka

Podnošenje prijave (čl. 100).....	44
Utvrđivanje nadležnosti (čl. 101).....	
Odbacivanje prijave (čl. 102).....	
Rokovi (čl. 103).....	
Saslušavanje okrivljenog (čl. 104).....	
Sredstva dokazivanja (čl. 105).....	
Obrana okrivljenog (čl. 106).....	
Rok za okončanje prvostepenog postupka (čl. 107).....	
Obustavljanje postupka (čl. 108).....	

#### IV Troškovi postupka

Troškovi postupka (čl. 109).....	48
----------------------------------	----

#### V Suspenzija

Automatska suspenzija (čl. 110).....	48
Suspenzija na osnovu odluke disciplinskog organa u vezi sa finansijskim obavezama (čl. 111).....	
Suspenzija na osnovu odluke disciplinskog organa u vezi sa težim prekršajem (čl. 112).....	

#### VI Odluke disciplinskih organa

Pismena izrada odluke disciplinskog organa (čl. 113).....	50
Saopštavanje odluke prvostepenog disciplinskog organa (čl. 114).....	
Greške u odluci disciplinskog organa (čl. 115).....	

#### VII Žalbeni postupak

Subjekti prava na žalbu (čl. 116).....	51
--	----

Postupak po žalbi na odluku prvostepenog organa (čl. 117).....	
Upotpunjavanje prvostepenog postupka (čl. 118).....	
Odluka drugostepenog disciplinskog organa (čl. 119).....	

#### IV IZVRŠENJE PRAVOSNAŽNIH ODLUKA DRUGIH ORGANA

Odluke FIFA i UEFA (čl. 120).....	53
Odluke pravnih tijela i komiteta (čl.121).....	
Izjavljivanje žalbe (čl.122).....	

#### V VANREDNI PRAVNI LIJEKOVI

##### **I Ponavljanje postupka**

Razlog za ponavljanje postupka (čl. 123).....	54
Subjekti i rok za prijedlog (čl. 124).....	
Nadležni organ u ponavljanju postupka (čl. 125).....	

##### **II Vanredno ublažavanje kazne**

Razlozi za ublažavanje kazne (čl. 126).....	55
Molba za vanredno ublažavanje kazne i organ odlučivanja (čl. 127).....	

#### VI PRELAZNE I ZAVRŠNE ODREDBE

Donošenje provedbenih propisa (čl. 128).....	56
Primjena pravilnika (čl.129).....	
Stupanje na snagu (čl. 130).....	



Na osnovu člana 35. Statuta Nogometnog/Fudbalskog saveza Bosne i Hercegovine, Izvršni odbor Nogometnog/Fudbalskog saveza Bosne i Hercegovine, na sjednici održanoj 27.12.2014. godine, donio je

## **DISCIPLINSKI PRAVILNIK NOGOMETNOG/FUDBALSKOG SAVEZA BOSNE I HERCEGOVINE**

### **I OPŠTI DIO**

#### **I Osnovne odredbe**

##### **Član 1. ( Predmet)**

Ovim pravilnikom uređuje se disciplinska odgovornost pravnih i fizičkih lica Nogometnog/Fudbalskog saveza Bosne i Hercegovine(u daljem tekstu: NS/FS BiH), propisuju povrede propisa u vezi sa nogometnim/fudbalskim sportom, te mjere i sankcije za učinjene povrede, utvrđuju pravila disciplinskog postupka kao i ostala pitanja u vezi sa disciplinskom odgovornošću.

##### **Član 2. ( Značenje izraza)**

Pojmovi koji se koriste u ovom pravilniku imaju sljedeće značenje:

**Utakmica:** Prvenstvene utakmica i utakmice za Kup BiH svih klubova,odnosno njihovih timova koji učestvuju u organizovanom takmičenju.

**Javna utakmica:** Svaka utakmica koja se igra u okviru nekog takmičenja, a koja nema karakter prvenstvene ili utakmice za Kup BiH, kao i utakmica koja se javno oglašava putem sredstava javnog informisanja, bilo da je prijateljskog ili humanitarnog karaktera, ili utakmica koja donosi prihod u bilo kojem vidu.

**Propisi:** Statut, pravilnici,propozicije i sve odluke koje su donesene od strane organa i nadležnih tijela NS/FS BiH, Pravila nogometne/fudbalske igre, pravilnici i odluke FIFA i UEFA za pitanja koja nisu riješena nacionalnim propisima ili imaju prednost u primjeni nad istim.

**Sportski radnik:** Svako lice, izuzev igrača, koje obavlja aktivnost vezanu za nogomet/fudbal u NS/FS BiH i njegovim članicama ili klubu, bez obzira na njegovu funkciju, status, vrstu aktivnosti koju obavlja (administrativna, sportska, tehnička, stručna i druga) i na trajanje te aktivnosti.

**Službeno lice utakmice:** Sudija, delegat, posmatrač suđenja, komesar za bezbjednost.

**Prijavljeno lice:** Lice protiv koga je podnesena prijava za pokretanje disciplinskog postupka dok nadležni disciplinski organ nije još odlučio da li će postupak i pokrenuti.

**Okrivljeni:** Lice protiv koga je pokrenut disciplinski postupak.

**Kažnjeni:** Lice za koje je pravosnažnom odlukom utvrđeno da je odgovorno za određeni prekršaj.

### **Član 3. (Svrha kažnjavanja)**

Svrha disciplinskog kažnjavanja je sprečavanje budućeg činjena prekršaja, prevaspitanje igrača, stručnih i sportskih radnika i jačanje morala, odgovornosti i discipline u primjeni i poštivanju propisa Saveza.

### **Član 4. (Odgovornost za prekršaje)**

Ako ovim pravilnikom nije drugačije propisano prekršaji su kažnjivi bez obzira da li su počinjeni namjerno ili kao rezultat nemara.

### **Član 5. (Kažnjavanje za pokušaj)**

(1) Disciplinski prekršaj ostao je u pokušaju kada je učinilac sa umišljajem započeo ili dovršio prekršajnu radnju, ali štetna posljedica nije nastupila.

(2) Pokušaj je kažnjiv samo kod onih prekršaja za koje je u pravilniku propisano da će biti kažnjen za pokušaj.

(3) Učinilac prekršaja koji je ostao u pokušaju kažnjava se kaznom propisanom za prekršaj, a može se blaže kazniti.

### **Član 6. (Kažnjavanje bez saslušanja)**

(1) Niko ne može biti kažnjen prije nego što bude saslušan.

(2) Smatra se da je neko saslušan ako na poziv nadležnog organa

(3) Ako učinilac prekršaja odbije da pristupi saslušanju iako je uredno pozvan ili blagovremeno ne dostavi pismenu izjavu na zahtjev nadležnog organa, smatraće se kao da je saslušan.

### **Član 7. (Podstrekavanje i pomaganje)**

Lice koje svjesno učestvuje u činjenju prekršaja, bilo kao podstrekač ili pomagač, biće kažnjen kao da je prekršaj sam izvršio.

### **Član 8. (Nepoznavanje propisa)**

Nepoznavanje Statuta, pravilnika i ostalih propisa Saveza nikoga ne opravdava i ne oslobađa odgovornosti.

### **Član 9. (Subjekti disciplinske odgovornosti)**

(1) Odredbe ovog pravilnika će se primjenjivati na:

- a) igrače,
- b) klubove i njihove timove
- c) sportske radnike
- d) službena lica utakmice

(2) Kazne će se izreći bez obzira da li je učinilac prekršaja, u vrijeme izricanja kazne, još uvijek vezan za bilo koji segment NS/FS BiH i njegovih članica odnosno da li je član kluba.

### **Član 10. (Muški i ženski rod)**

Odredbe ovog pravilnika jednako se odnose na muški i ženski pol bez obzira na upotrebu pojmova i izraza.

## **II Disciplinske sankcije**

### **Član 11. (Vrste sankcija)**

#### **1. Za igrače:**

- a) opomena
- b) automatska kazna
- c) novčana kazna
- d) zabrana igranja
- e) isključenje iz kluba
- f) isključenje iz nogometne/fudbalske organizacije

## **2. Za klubove:**

- a) opomena
- b) novčana kazna
- c) zabrana odigravanja utakmica u inostranstvu
- d) zabrana igranja utakmica na određenom stadionu ili stadionima određenog područja
- e) zabrana igranja pred gledaocima
- f) oduzimanje bodova;
- g) negativni bodovi
- h) vraćanje u niži stepen takmičenja

## **3. Za sportske radnike i službena lica utakmice:**

- a) opomena
- b) novčana kazna
- c) zabrana suđenja određenog broja utakmica
- d) zabrana vršenja funkcije
- e) smjenjivanje sa rukovodstva
- f) isključenje iz kluba
- g) isključenje iz nogometne/fudbalske organizacije

### **Član 12. (Opomena)**

(1) Opomena se izriče kada je prekršaj učinjen pod okolnostima koje u znatnoj mjeri umanjuju odgovornost učinioca, tako da se može očekivati da će se ubuduće kloniti od vršenja prekršaja i bez izricanja propisane kazne.

(2) Pri odlučivanju da li će izreći opomenu, nadležni disciplinski organ će naročito uzeti u obzir ličnost učinioca, njegovu raniju aktivnost u sportu i doprinos nogometnom/fudbalskom sportu, njegovo ponašanje nakon učinjenog prekršaja, kao i ostale olakšavajuće okolnosti.

### **Član 13. (Novčana kazna)**

(1) Novčane kazne se izriču u konvertibilnim markama (KM) i plaća se u istoj valuti.

(2) Novčana kazna za igrače, sportske radnike i službena lica utakmice ne može biti manja od 500 KM, niti veća od 5.000 KM.

(3) Novčana kazna za klubove ne može biti manja od 1.000 KM, niti veća od 30.000 KM.

(4) Visinu novčane kazne za niži rang takmičenja utvrđuje izvršni odbor saveza nadležnog za rukovođenje tim rangom takmičenja.

(5) Visinu novčane kazne za javne opomene i isključenja utvrđuje svojom odlukom Izvršni odbor saveza nadležnog za vođenje tim rangom takmičenja prije početka takmičarske sezone, a ako istu ne donese primjenjivaće se odluka iz prethodne takmičarske sezone.

(6) Kazne za takmičenja u omladinskom i ženskom nogometu/fudbalu i futsalu ne mogu biti veće od polovine navedenih iznosa.

#### **Član 14. (Izvršenje novčane kazne)**

(1) Rok plaćanja izrečene novčane kazne je 15 dana, računajući od dana pravosnažnosti odluke.

(2) U opravdanim slučajevima nadležni disciplinski organ, na obrazložen zahtjev onog ko se kažnjava, može prilikom izricanja novčane kazne odlučiti da ista bude plaćena u jednakim iznosima na određen rok, i to:

- a) igrač i sportski radnik u roku od tri mjeseca;
- b) klub u roku od šest mjeseci.

(3) Ukoliko izrečena novčana kazna ne bude plaćena u roku iz stava 1 i 2. ovog člana nadležni disciplinski organ će pokrenuti postupak predviđen ovim pravilnikom.

(4) Novčane kazne se uplaćuju u korist fonda za unapređenje omladinskog nogometa/fudbala odgovarajućeg saveza.

#### **Član 15. (Zabrana igranja)**

(1) Kazna zabrane igranja može biti:

- a) **vremenska** koja se izriče na pune mjesece, gdje period, za koji se izriče zabrana igranja, ne može biti kraći od tri mjeseca niti duži od 24 mjeseca, ili
- b) **za određeni broj utakmica** koji ne može biti veći od 12.

(2) Igrač, kažnjen zabranom igranja za određeni vremenski period ne može nastupati na utakmicama prvenstvenog i kup takmičenja i drugim javnim utakmicama.

(3) Igrač koji je kažnjen kaznom za određeni vremenski period nema pravo nastupa na utakmicama fudbala/nogometa i futsala, bez obzira za koju vrstu takmičenja je kazna izrečena.

(4) Igrač koji je dvojno registrovan, izdržava kaznu zabrane igranja u odnosu na klub za koji je igrao kada je počinio prekršaj, s tim što sve vrijeme izdržavanja ove kazne ne može nastupiti ni na utakmicama drugog kluba.

(5) Igrač, kažnjen zabranom igranja, ne može se naći na utakmicama u službenom zapisniku, niti na terenu za igru, ni u sastavu vodstva kluba, kao ni na putovanju tima na utakmicu odnosnog takmičenja.

(6) Kazna zabrane igranja iz st. 1. tač. a), ovog člana, istovremeno se primjenjuje kao kazna zabrane vršenja funkcije ili kazna zabrane suđenja određenog broja utakmica ako kažnjeni istovremeno obavlja neku od funkcija u fudbalu/nogometu ili ima status sudije.

### **Član 16.** **(Nadležnost vođenja disciplinskog postupka u u vezi sa KUP takmičenjem i izdržavanje kazne)**

(1) Ukoliko je igrač, sportski radnik-član kluba ili klub počinio prekršaj na kup utakmici, vođenje disciplinskog postupka je u nadležnosti disciplinskog organa saveza koji rukovodi prvenstvenim takmičenjem u kojem učestvuje taj klub.

(2) Kompletan predmet o počinjenom prekršaju, iz st. 1. ovog člana, dostavlja se nadležnom disciplinskom organu u roku od 48 h.

(3) Izrečena kazna zabrane igranja se izdržava u takmičenju kojim rukovodi savez čiji je nadležni organ izrekao kaznu, kao i u tekućem ciklusu kup takmičenja kojim neposredno rukovodi drugi savez.

(4) Ako igrač istovremeno nastupa i za timove različitih uzrasta, kazna se računa prema timu u kome je nastupio kada je učinio prekršaj, s tim što sve vrijeme dok traje kazna ne može nastupati ni na utakmicama ostalih timova svoga kluba.

(5) Ako u tekućoj godini igrač mlađeg uzrasta gubi pravo nastupa za tim tog uzrasta, a kaznu ne izdrži u cjelosti, ostatak kazne će izdržati u timu starijeg uzrasta.

(6) Ako igrač u toku izdržavanja kazne pređe u drugi klub, kaznu će izdržati u novom klubu.

### **Član 17.** **(Automatska kazna)**

(1) Automatska kazna zabrane igranja jedne utakmice, izdržava se nakon dobijene treće javne opomene na različitim utakmicama istog takmičenja u toku jedne takmičarske godine.

(2) Ako je treća javna opomena izrečena na posljednjoj utakmici, iz st. 1. ovog člana, automatsku kaznu zabrane igranja igrač izdržava na prvoj utakmici naredne takmičarske godine.

(3) Ako igrač, nakon što su se stekli uslovi za izdržavanje automatske kazne zabrane igranja, pređe u drugi klub, istu će izdržati na prvoj utakmici kada stekne pravo nastupa za novi klub.

(4) Igrač, koji istovremeno nastupa za timove različitih uzrasnih kategorija, automatsku kaznu zabrane igranja će izdržati u timu u kojem je dobio tri javne opomene.

(5) Ako je u vremenu između dvije utakmice, igrač, zbog godina starosti, izgubio pravo nastupa za tim mlađeg uzrasta, kaznu, iz st. 1. ovog člana, će izdržati na prvoj utakmici tima starije uzrasne kategorije.

(6) Ako je igrač nastupio na utakmici na kojoj nije imao pravo igranja zbog izdržavanja automatske kazne, smatraće se da je istu izdržao, s tim što će se u ovom slučaju utvđivati disciplinska odgovornost tog igrača, odgovornog službenog radnika i kluba.

#### **Član 18.**

##### **(Zajedničke odredbe za izdržavanje kazne zabrane igranja i automatske kazne)**

(1) Kazna zabrane igranja i automatska kazna je izdržana na utakmici koja je odigrana po Pravilima nogometne/ fudbalske igre.

(2) Kaznu zabrane igranja i automatsku kaznu, igrač nije izdržao i kada nije nastupio na utakmici koja je registrovana službenim rezultatom, a zbog utvrđene odgovornosti njegovog tima.

(3) Igrač koji nije nastupio na utakmici, a koja je registrovana službenim rezultatom u korist njegovog kluba, izdržao je kaznu zabrane igranja utakmica i automatske kazne.

#### **Član 19.**

##### **(Javna opomena)**

(1) Pod javnom opomenom smatraju se sve opomene koje sudija, primjenjujući pravila nogometne/ fudbalske igre, izrekne pokazivanjem žutog kartona igračima, upisanim u zapisnik utakmice, od prvog do posljednjeg minuta utakmice odigranoj u punom trajanju uključujući produžetak i izvođenje kaznenih udaraca ili prekinute prije isteka vremena predviđenog pravilima nogometne/ fudbalske igre.

(2) Sudija je dužan da delegatu prijavi svaku javnu opomenu koju je izrekao na utakmici kako bi iste bile unesene u zapisnik sa utakmice.

(3) Ako je utakmica prekinuta, javne opomene sa te utakmice se ne evidentiraju sve dok se ne donese konačna odluka o registraciji te utakmice ili eventualno, njenom ponovnom igranju.

(4) Ako je utakmica poništena i određeno njeno ponovno odigravanje javne opomene se poništavaju.

(5) Javne opomene dobijene u toku jedne takmičarske godine se ne prenose u narednu takmičarsku godinu, već se poništavaju.

(6) Javne opomene iz jedne vrste takmičenja se ne prenose u drugu vrstu takmičenja.

(7) Kada igrač u toku iste utakmice bude dva puta javno opomenut, a što rezultira njegovim isključenjem, pokazivanjem crvenog kartona, te javne opomene se automatski poništavaju.

(8) Klubovi su dužni da vode evidenciju opomenutih igrača.

(8) Disciplinski organi vode evidenciju opomenutih igrača, registruju opomene u svome zapisniku, objavljuju ih putem službenog saopštenja i kontrolišu izvršenje automatske kazne.

## **Član 20.** **(Zabrana igranja utakmica u inostranstvu)**

(1) Kazna zabrane igranja utakmica u inostranstvu ne može biti manja od jedne godine niti veća od pet godina.

(2) Za vrijeme trajanja kazne iz prethodnog stava igrači i sportski radnici-članovi tog kluba ne mogu gostovati u inostranstvu u bilo kojoj funkciji u vezi sa nogometnim/fudbalskim sportom.

(3) Igrači kažnjenog kluba mogu nastupiti isključivo, kao članovi reprezentacije Bosne i Hercegovine.

## **Član 21.** **(Zabrana igranja utakmica na određenom stadionu ili stadionima određenog područja)**

(1) Kazna zabrane igranja utakmica na određenom stadionu ili stadionima određenog područja izriče se kao vremenska ili za određeni broj utakmica.



(2) Vremenska kazna zabrane igranja utakmica na određenom stadionu ili stadionima određenog područja ne može biti manja od tri mjeseca niti veća od dvije godine, a kazna zabrane igranja određenog broja utakmica se izriče najviše do 12 utakmica.

(3) Uz kaznu, iz st.1. ovog člana, kao glavnu, obavezno se izriče i novčana kazna od 1.000 KM do 5.000 KM.

(4) Kazna zabrane igranja na određenom stadionu se izvršava tako što će nadležni disciplinski organ odrediti stadion koji je udaljen najmanje 50 kilometara od mjesta prekršaja ili, u drugom slučaju, odrediće područje u kojem se ne mogu odigrati predmetne utakmice.

## **Član 22.** **(Igranje utakmica bez prisustva gledalaca)**

(1) Kazna igranja utakmice bez prisustva gledalaca se izriče kao vremenska, u kojem slučaju ne može biti manja od jednog mjeseca niti veća od 12 mjeseci, ili za određeni broj utakmica koji ne može biti veći od 15 utakmica.

(2) Na utakmicama moraju biti prisutna službena lica utakmice, igrači i članovi oba kluba u skladu sa propozicijama datog takmičenja, sanitetske, vatrogasne i druge, odgovarajuće tehničke službe (električna, vodoinstalaciona i sl.) s tim da će delegat odobriti neophodan broj ovih lica, djeca-sakupljači lopti, dovoljan broj redara i predstavnici sredstava informisanja (štampa, radio i televizija) sa urednim akreditacijama.

## **Član 23.** **(Oduzimanje bodova)**

(1) Kazna oduzimanja bodova ne može biti manja od tri boda ni veća od 24 boda.

(2) Klubu, kažnjenom ovom kaznom, oduzimaju se bodovi od onih koje je osvojio do izricanja kazne.

(3) Ukoliko klub, do izricanja ove vrste kazne nije osvojio dovoljan broj bodova, a da bi se kazna mogla izvršiti, ovi bodovi će se oduzeti od onih koje klub osvoji do kraja takmičarske godine.

(4) Ako klub do kraja tekuće takmičarske godine ne osvoji dovoljan broj bodova, čime bi bilo onemogućeno potpuno izvršenje ove kazne, ostatak kazne će se izvršiti od osvojenih bodova u narednoj takmičarskoj godini.

**Član 24.**  
**(Kazna negativnih bodova)**

(1) Kazna negativnih bodova ne može biti manja od šest niti veća od 18 bodova.

(2) Kazne iz st. 1. ovog člana se izriče ako se ocijeni da se neće ostvariti svrha kažnjavanja izricanjem kazne „**Oduzimanje bodova**“ iz člana 23. ovog pravilnika, a zbog broja bodova koje je klub već osvojio u tekućem prvenstvu, položaja na tabeli ili vremenskog perioda u kojem se takmičenje nalazi kada se utvrđuje odgovornost i izriče kazna.

**Član 25.**  
**(Kažnjavanje kluba i njegovih timova)**

Kada se kazna izriče klubu, ona se, u pravilu odnosi na onaj tim (seniori, juniori, kadeti, pioniri) na čijoj utakmice je učinjen prekršaj, ali se može odnositi i na cio klub, što nadležni disciplinski organ utvrđuje odlukom o kazni.

**Član 26.**  
**(Vraćanje u niži/najniži stepen takmičenja)**

(1) Kazna vraćanja u niži stepen takmičenja podrazumjeva vraćanje kluba u prvi niži stepen takmičenja ili u najniži stepen takmičenja.

(2) Izuzetno, ako je klub po osnovu postignutih rezultata već ispao iz takmičenja ili je, po osnovu plasmana na tabeli, očigledno da će ispasti iz takmičenja, vratiće se za dva stepena niže takmičenja od ranga u kojem se nalazi ili se nalazio.

(3) Kazna vraćanja u najniži stepen takmičenja se izriče za najteže prekršaje koji su propisani ovim pravilnikom, a obavezno kada seniorski tim predmetnog kluba u toku takmičarske godine odustane od takmičenja.

**Član 27.**  
**(Zabrana suđenja određenog broja utakmica)**

(1) Kazna zabrane suđenja određenog broja utakmica može biti:

a) **vremenska**, koja se izriče na pune mjesece i ne može biti kraća od tri mjeseca niti duža od dvije godine, ili

b) **za određeni broj utakmica**, koji ne može biti veći od šest.

(2) Kazna zabrane suđenja za određeni vremenski period iz st. 1. tač. a), ovog člana, istovremeno se primjenjuje kao kazna zabrane igranja ili kazna zabrane vršenja funkcije ako je kažnjeni registrovan kao igrač ili obavlja neku od funkcija u nogometu/fudbalu.

**Član 28.**  
**(Zabrana vršenja funkcije)**

(1) Kazna zabrane vršenja funkcije ne može biti manja od tri mjeseca niti veća od dvije godine, a izriče se na pune mjesece i godine.

(2) Lice kažnjeno ovom vrstom kazne ne može obavljati nikakvu funkciju u bilo kojem organu kluba ili tijelima saveza, na utakmici i dr. niti zastupati klub ili savez, odnosno njegova tijela u bilo kojoj funkciji za sve vrijeme trajanja kazne.

(3) Kazna zabrane vršenja funkcije se istovremeno primjenjuje kao kazna zabrane igranja ili kazna zabrane suđenja određenog broja utakmica ako kažnjeni ima status igrača ili sudije.

**Član 29.**  
**(Smjenjivanje rukovodstva)**

Kazna smjenjivanja rukovodstva predstavlja uklanjanje sa položaja svih lica koja, prema statutu kluba ili druge nogometne/fudbalske organizacije, rukovode tim klubom, odnosno organizacijom.

**Član 30.**  
**(Isključenje iz kluba)**

(1) Ako je sportskom radniku ili igraču izrečena kazna isključenja iz kluba, tada on gubi status člana tog kluba.

(2) Odluku o isključenju iz kluba donose disciplinski organi tog kluba i na osnovu njegovih propisa.

(3) Odluka iz st. 2. ovog člana se objavljuje u Službenom glasniku NS/FS BiH „Nogomet/Fudbal BiH“, u suprotnom takva odluka neće proizvesti pravno dejstvo.

**Član 31.**  
**(Isključenje iz nogometne/fudbalske organizacije)**

(1) Kazna isključenja iz nogometne/fudbalske organizacije izriče se za teže prekršaje predviđene ovim pravilnikom.

(2) Lice kažnjeno ovom vrstom kazne briše se iz članstva nogometne/fudbalske organizacije i ne može obavljati ni jednu funkciju u nogometnom/fudbalskom sportu.

### **III Odmjeravanje kazne**

#### **Član 32. (Olakšavajuće i otežavajuće okolnosti)**

(1) Za određeni prekršaj odmjeriće se kazna u propisanim granicama uzimajući u obzir sve okolnosti (olakšavajuće i otežavajuće) koje utiču da kazna bude veća ili manja, a koje postoje u konkretnom slučaju, a naročito težina učinjenog prekršaja i njegove posljedice, okolnosti pod kojima je prekršaj učinjen, stepen odgovornosti učinioca, pobude iz kojih je prekršaj učinjen, ranije ponašanje, držanje poslije počinjenog prekršaja, kao druge okolnosti.

(2) Ukoliko je prekršaj počinio igrač mlađe uzrasne kategorije (junior, kadet, pionir) može se izreći blaža kazna od one koja je propisana za predmetni prekršaj.

#### **Član 33. (Odmjeravanje kazne za sticaj)**

Ako je učinilac jednom radnjom ili sa više radnji učinio više prekršaja, utvrdiće se prethodno kazna za svaki prekršaj i izreći sve utvrđene kazne, a ako su kazne iste vrste, izreći će se jedna ukupna kazna koja je jednaka zbiru pojedinih utvrđenih kazni, s tim da ukupna kazna ne može preći 2/3 zbira pojedinačnih kazni.

#### **Član 34. (Ublažavanje kazne)**

(1) Ako prekršajem nisu prouzrokovane teže posljedice a postoje takve olakšavajuće okolnosti koje ukazuju da će se i sa blažom kaznom postići svrha kažnjavanja, propisana kazna može se ublažiti na jedan od sljedećih načina:

- a) izreći kaznu ispod najmanje mjere koja je propisana za taj prekršaj, ali ne i ispod najmanje mjere te vrste kazne,
- b) umjesto propisane kazne izreći sljedeću blažu vrstu kazne,
- c) umjesto više propisanih kazni različitih vrsta izreći jednu od tih kazni.

(2) Razlozi o ublažavanju kazne moraju se posebno istaći u obrazloženju odluke o izricanju kazne.

#### **Član 35. (Teži prekršaj)**

Za prekršaj, pri čijem izvršenju je učinilac postupio sa naročitom drskošću, upornošću, bezobzirnošću ili je prekršaj proizveo naročito teške posljedice, ili je učinjen pod naročito otežavajućim okolnostima, može se izreći veća mjera, do dvostruke visine propisane kazne ili stroža kazna.

**Član 36.**  
**(Ponavljanje prekršaja)**

Ako se radi o učiniocu, koji je ranije dva ili više puta kažnjavao, a da od prethodno učinjenog prekršaja i novog prekršaja nije proteklo više od godinu dana, kao i u slučaju da kod učinioca postoji sklonost za činenje prekršaja, može mu se pooštriti kazna do dvostruke mjere propisane kazne ili stroža kazna.

**Član 37.**  
**(Potvrđivanje klupske kazne)**

(1) Odluka o kazni koju izrekne disciplinski organ kluba djeluje samo unutar kluba.

(2) Da bi odluka o kazni iz st. 1, ovog člana, djelovala u okviru nogometne/fudbalske organizacije, klub je dužan u roku od osam dana, od dana pravosnažnosti njegove odluke, dostaviti nadležnom disciplinskom organu prijedlog sa kompletnim spisom predmeta radi potvrđivanja izrečene kazne.

(3) Ako nadležni disciplinski organ potvrdi odluku iz st. 1. ovog člana, onda ona ima dejstvo kao svaka druga njegova odluka.

(4) Potvrđivanje klupske kazne odnosi se isključivo na kaznu zabrane igranja.

(5) Nadležni disciplinski organ ne može potvrditi kaznu koju je izrekao klub po završetku posljednje prvenstvene utakmice odgovarajuće takmičarske godine.

**Član 38.**  
**(Prekršaj na međunarodnim utakmicama)**

(1) Za prekršaj koji učini igrač, službeno lice utakmice, sportski radnik i klub na prijateljskoj međunarodnoj utakmici u zemlji ili inostranstvu, disciplinski postupak provodi nadležni disciplinski organ saveza koji je, u skladu sa odredbama Pravilnika o nogometnim/fudbalskim takmičenjima, nadležan za odobravanje odnosno utakmice.

(2) Igrač isključen na utakmici koja se igra u okviru međunarodnih takmičenja odgovara prema propisima međunarodne organizacije koja provodi to takmičenje.

(3) Igrač, iz st. 2. ovog člana, koji nije suspendovan ili kažnjen posebnom odlukom nadležnog disciplinskog organa NS/FS BiH, ima pravo nastupa na utakmicama u BiH.

**Član 39.**  
**(Odgovornost klubova za rad sportskih radnika  
kada ih predstavljaju)**

Za prekršaj koji izvrši sportski radnik kao predstavnik svoga kluba može biti odgovoran i taj klub.

**Član 40.**  
**(Povrede propisa i društveno sportskog vladanja)**

Učinilac prekršaja koji izričito nije predviđen ovim pravilnikom, a predstavlja povredu propisa u vezi sa nogometom/fudbalom i prelazi uobičajene okvire dopuštene sportske i društvene djelatnosti, te ako ima u svojim obilježjima sličnosti sa jednim od prekršaja sadržanih u ovom pravilniku, biti će kažnjen odgovarajućom vrstom kazne propisanom za sličan prekršaj.

## **IV Zastarjelost**

**Član 41.**  
**(Zastarjelost pokretanja i vođenja disc.postupka)**

(1)Disciplinski postupak ne može biti pokrenut, niti se može voditi ukoliko je od dana učinjenog prekršaja proteklo više od 24 mjeseca.

(2)Zastarjelost se prekida svakom radnjom nadležnog disciplinskog organa preduzetog radi vođenja disciplinskog postupka.

(3)Zastarjelost pokretanja i vođenja disciplinskog postupka, u svakom slučaju, nastupa kada proteknu dvije godine od učinjenog prekršaja.

(4)Zastarjelost pokretanja i vođenja disciplinskog postupka za prekršaje propisane "Pravilnikom o anti-dopingu NS/FS BiH" nastupa kada protekne osam godina od učinjenog prekršaja.

(5)Pokretanje i vođenje disciplinskog postupka za prekršaj iz člana 72. ovog pravilnika i ostalih vidova korupcije ne zastarijeva.

**Član 42.**  
**(Zastarjelost izvršenja kazni)**

Kazna se ne može izvršiti nakon protoka pet godina od dana pravosnažnosti odluke o kažnjavanju.

## **V Evidencije.**

### **Član 43. (Evidencija o kazni)**

(1) Pravosnažne odluke o kazni upisuju se u registar kazni.

(2) Registar kazni vodi disciplinski organ, odnosno nadležno lice u nogometnom/fudbalskom savezu.

(3) Pravosnažne odluke o kazni brišu se iz registra kazni i smatraće se da učinilac prekršaja nije kažnjavan ako je:

a) kažnjen novčanom kaznom ili vremenskom kaznom zabrane do šest mjeseci ili zabranom igranja određenog broja utakmica, pa u toku jedne godine od izdržane ili ublažene kazne ne učini novi prekršaj,

b) kažnjen vremenskom kaznom zabrane većom od šest mjeseci ili oduzimanjem bodova, pa u roku od tri godine od izdržane ili ublažene kazne ne učini novi prekršaj.

4) Kazna isključenja iz nogometne/fudbalske organizacije i kazna vraćanja u niži ili najniži stepen takmičenja se ne brišu iz registra kazni.

5) Brisanje kazni iz registra kazni vrši nadležni disciplinski organ po službenoj dužnosti ili na prijedlog kažnjelog.

## **II POSEBNI DIO**

### **I Nesportsko ponašanje i fizička sila**

#### **Član 44. (Nesportsko ponašanje)**

(1) Ko se nesportski ponaša prema igraču svog ili protivničkog tima, službenom licu utakmice, sportskom radniku i gledaocima u toku igre, poslije igre na terenu za igru ili van njega, a u vezi sa nogometnim/fudbalskim sportom, biće kažnjen:

a) igrač, zabranom igranja do 6 utakmica

b) sportski radnik, zabranom vršenja funkcije do 3 mjeseca.

(2) Ako se prekršaj iz st. 1. ovog člana, okvalifikuje kao teži prekršaj ili se ponovi, biće kažnjen:

a) igrač, zabranom igranja do 10 utakmica,

b) sportski radnik, zabranom vršenja funkcije do 2 godine.

(3)Pod **nesportskim ponašanjem** podrazumijeva se: psovanje, pljuvanje, nepristojni gestovi, prigovaranje i prkošenje odlukama službenih lica utakmice , kao i izazivanje igrača svoga i protivničkog tima, sportskih radnika i gledalaca riječima, pokretima i gestovima, kao i sve radnje koje mogu štetiti ugledu nogometnog/fudbalskog sporta.

#### **Član 45. (Gruba igra)**

(1)Pod **grubom igrom** podrazumijeva se dolaženje u dodir sa protivničkim igračem na nedozvoljen način ili način protivan postojećim pravilima nogometne/fudbalske igre, sa upotrebom prekomjerne snage kao i startovanje sa obje noge, podmetanje đona, saplitanje protivnika, neizbjegavanje povrede protivnika, odnosno prekoračenje samozaštite i sl.

(2)Igrač koji igra grubo biće kažnjen zabranom igranja do osam utakmica.

(3)Ako se prekršaj iz st. 1. ovog člana ponovi igrač će biti kažnjen zabranom igranja do šest mjeseci.

(4)Igrač koji igra grubo pa povrijedi protivničkog igrača, biće kažnjen zabranom igranja od šest do 12 utakmica.

(5)Ako se prekršaj iz st. 4. ovog člana okvalifikuje kao teži prekršaj ili se ponovi, igrač će biti kažnjen zabranom igranja od tri mjeseca do godinu dana.

#### **Član 46. (Fizički napad)**

(1)**Fizički napad** je udarac određenim dijelom tijela ili nekim predmetom, ali ne guranje ili odgurivanje, osim u slučaju kada je onaj koji je fizički napadnut usljed guranja ili odgurivanja oboren na tlo.

(2)Obrazloženje iz st. 1. ovog člana primjenjivaće se u sljedećim članovima ovog pravilnika: 47, 48, 49, 50, 51, 52, 53 i 54.

#### **Član 47. (Fizički napad igrača na igrača za vrijeme igre)**

(1)Igrač, koji za vrijeme igre fizički napadne igrača, svog tima ili protivničkog, biće kažnjen zabranom igranja od tri do 12 utakmica.

(2)Ako se prekršaj iz st. 1. ovog člana okvalifikuje kao teži prekršaj ili se ponovi, igrač će biti kažnjen zabranom igranja od tri mjeseca do godinu dana.

(3)Za pokušaj će biti kažnjen.



**Član 48.**  
**(Fizički napad igrača na igrača van igre)**

(1) Igrač, koji fizički napadne igrača, svoga ili protivničkog tima, prije utakmice ili poslije utakmice, na stadionu ili van stadiona, a u vezi sa nogometnim/fudbalskim sportom, biće kažnjen zabranom igranja od jedne do pet utakmica,

(2) Ako se prekršaj iz st. 1. ovog člana ponovi ili okvalifikuje kao teži prekršaj, a naročito u slučaju kada igrač nanese ili ima namjeru da nanese težu tjelesnu povredu, biće kažnjen zabranom igranja od tri mjeseca godinu dana.

**Član 49.**  
**(Fizički napad igrača na službeno lice utakmice)**

(1) Igrač, koji fizički napadne službeno lice utakmice prije utakmice, za vrijeme utakmice ili poslije utakmice, na stadionu ili izvan stadiona, a u vezi sa nogometnim/fudbalskim sportom, biće kažnjen zabranom igranja od šest mjeseci do godinu dana.

(2) Ako se prekršaj iz st.1. ovog člana okvalifikuje kao teži prekršaj ili se ponovi, igrač će biti kažnjen zabranom igranja od godinu dana do dvije godine.

(3) Za pokušaj će biti kažnjen.

**Član 50.**  
**(Fizički napad igrača na sportskog radnika)**

(1) Igrač, koji fizički napadne sportskog radnika prije utakmice, za vrijeme utakmice ili poslije utakmice, na stadionu ili izvan stadiona, a u vezi sa nogometnim/fudbalskim sportom, biće kažnjen zabranom igranja od tri do 12 utakmica,

(2) Ako se prekršaj iz st. 1. ovog člana okvalifikuje kao teži prekršaj ili ponovi, igrač će biti kažnjen zabranom igranja od tri mjeseca do godinu dana.

(3) Za pokušaj će biti kažnjen.

**Član 51.**  
**(Fizički napad igrača na gledaoca)**

(1) Igrač, koji fizički napadne gledaoca za vrijeme igre ili poslije završetka utakmice, biće kažnjen zabranom igranja od tri do 12 utakmica.

(2) Ako se prekršaj iz st. 1. ovog člana okvalifikuje kao teži prekršaj ili se ponovi, igrač će biti kažnjen zabranom igranja od tri mjeseca do godinu dana.

(3) Za pokušaj će biti kažnjen.

**Član 52.**  
**(Fizički napad sportskog radnika)**

(1) Sportski radnik, koji fizički napadne igrača, sportskog radnika svoga ili protivničkog kluba ili gledaoca, biće kažnjen zabranom vršenja funkcije od šest mjeseci do godinu dana i novčanom kaznom od 300 KM do 1.000 KM.

(2) Ako je prekršaj iz st. 1. ovog člana učinjen prema funcioneru nogometne/fudbalske organizacije, članu takmičarskog organa ili službenom licu utakmice, sportski radnik će biti kažnjen zabranom vršenja funkcije od godinu dana do dvije godine i novčanom kaznom od 300 KM do 1.000 KM.

(3) Ako se prekršaj iz st. 1. i 2. ovog člana okvalifikuje kao teži prekršaj ili se ponovi, sportski radnik će biti kažnjen isključenjem iz nogometne fudbalske organizacije i novčanom kaznom od 1.000 KM do 3.000 KM.

(4) Za pokušaj će biti kažnjen.

**Član 53.**  
**(Učestvovanje u tuči)**

(1) Ko učestvuje u tuči na terenu za igru prije igre, za vrijeme igre ili poslije igre, biće kažnjen:

- a) igrač, zabranom igranja najmanje šest utakmica,
- b) sportski radnik, zabranom obavljanja funkcije od tri mjeseca do godinu dana

(2) Ako je tokom tuče nekom nanesena teška tjelesna povreda svaki od učesnika će biti kažnjen sa dvostrukom mjerom propisane kazne iz st. 1. ovog člana.

(3) Ako se prekršaj iz st. 1. ovog člana ponovi ili se okvalifikuje kao teži prekršaj, biće kažnjen:

- a) igrač, zabranom igranja od tri mjeseca do godinu dana,
- b) sportski radnik, zabranom obavljanja funkcije od godinu dana do dvije godine.

(4) Ko pokuša spriječiti tuču, zaštititi drugog ili razdvojiti one koji učestvuju u tuči neće biti kažnjen.

**Član 54.**  
**(Upotreba sile ili prijetnje prema službenom licu utakmice)**

(1) Igrač ili sportski radnik, koji upotrijebi silu ili prijetnju radi vršenja pritiska na službeno lice utakmice, a u vezi sa obavljanjem njegove službene dužnosti, biće kažnjen:

- a) igrač, kaznom zabrane igranja od tri do šest utakmica i novčanom kaznom, najmanje 1.000 KM,

- b) sportski radnik, kaznom zabrane obavljanja funkcije od tri mjeseca do jedne godine i novčanom kaznom, najmanje 2.000KM,
- c) klub, novčanom kaznom najmanje 5.000 KM.

(2)Ako se prekršaj iz st. 1. ovog člana okvalifikuje kao naročito težak ili se ponovi, biće kažnjen:

- a) igrač, kaznom zabrane igranja od sedam do 12 utakmica i novčanom kaznom, najmanje 2.000 KM,
- b) sportski radnika kaznom zabrane obavljanja funkcije od jedne godine do dvije godine i novčanom kaznom, najmanje 3.000 KM,
- c) klub, novčanom kaznom, najmanje 10.000 KM.

(3)Za pokušaj će biti kažnjen.

## **II Slaba organizacija utakmice i neredi**

### **Član 55.**

#### **(Slaba organizacija utakmice)**

(1)Ako se utakmica ne organizuje u skladu sa važećim propisima, biće kažnjen:

- a) klub, novčanom kaznom od 1.000 KM do 2.000 KM,
- b) sportski radnik kao odgovorno lice u klubu, novčanom kaznom od 500 KM do 1.000 KM.

(2)Ako se prekršaj iz st.1. ovog člana ponovi, biće kažnjen:

- a) klub, novčanom kaznom, najmanje 2.000 KM,
- b) sportski radnik kao odgovorno lice u klubu, novčanom kaznom, najmanje 1.000 KM

### **Član 56.**

#### **(Upotreba pirotehničkih sredstava)**

(1)Za svaku upotrebu pirotehničkih sredstava na utakmici, bilo da su posljedice nastale na tribinama ili u ograđenom dijelu terena i bacanje predmeta od čvrstog materijala u ograđeni dio terena, biće kažnjen:

- a) klub, novčanom kaznom, najmanje 1.000 KM,
- b) sportski radnik kao odgovorno lice u klubu, novčanom kaznom, najmanje 500 KM.

(2)Ako se prekršaj iz st. 1. ovog člana okvalifikuje kao naročito težak ili se ponovi, biće kažnjen:

- a) klub, novčanom kaznom, najviše 10.000 KM,
- b) sportski radnik kao odgovorno lice u klubu, najviše 2.000 KM.

(3) Pod pojmom **pirotehničkih sredstava** podrazumjevaju se petarde, topovski udari, dimne kutije, baklje bengalke i druge vrste sredstava sa manjom ili većom vatrenom ili eksplozivnom moći.

### **Član 57. (Neredi na stadionu)**

(1) Ako se na stadionu ili van stadiona, za vrijeme igre, prije i poslije igre, dogode neredi koji su ugrozili fizički integritet učesnika utakmice ili uzrokovali veću materijalnu štetu na stadionu ili van stadiona, a organizator utakmice nije preduzeo mjere da spriječi nered ili ih nije preduzeo u dovoljnoj mjeri, biće kažnjen:

- a) klub, oduzimanjem od dva do šest bodova, odnosno od dva do šest negativnih bodova i novčanom kaznom od 2.000 KM do 5.000 KM,
- b) sportski radnik kao odgovorno lice u klubu, zabranom vršenja funkcije od šest mjeseci do godinu dana.

(2) Ako se prekršaj iz st. 1 ovog člana okvalifikuje kao teži prekršaj ili ako se ponovi, biće kažnjen:

- a) klub, oduzimanjem od tri do devet bodova, odnosno od tri do devet negativnih bodova i novčanom kaznom od 5.000 KM do 10.000 KM,
- b) sportski radnik kao odgovorno lice u klubu, zabranom vršenja funkcije od jedne godine do dvije godine.

(3) Ako su neredi poprimili veću masovnost i prozrokovali takvu materijalnu štetu pa je došlo do uznemirenja sportske i društvene javnosti i opšte osude, uz izrečene kazne iz st. 1 i 2, ovog člana, može se izreći kazna zabrane igranja pred gledaocima ili zabrana igranja na određenom stadionu ili stadionima određenog područja i to, u oba slučaja od dvije do šest utakmica.

(4) Organ koji rukovodi takmičenjem može suspendovati stadion na kojem su se desili neredi dok se u propisanom postupku ne donese konačna odluka, vodeći računa da taj postupak mora biti hitan.

(5) Fizički napad gledalaca na igrače, stručna, tehnička i službena lica utakmice, smatra se težim prekršajem u smislu st.1. ovog člana.

(6) Ukoliko se utvrdi da je za nered kriv gostujući klub ili njegovi navijači, primjenjuju se odredbe iz stava 1 i 2. ovog člana u granicama svoje odgovornosti.

### **III Prekidi i neodigravanje utakmica**

#### **Član 58.**

##### **(Prekid utakmice od strane igrača)**

(1) Ako igrač ili sportski radnik izazove prekid utakmice koja ne bude nastavljena, biće kažnjen:

a) igrač, zabranom igranja od tri do 12 utakmica i novčanom kaznom od 500 KM do 2.000 KM.

b) sportski radnik, zabranom obavljanja funkcije od tri mjeseca do godinu dana i novčanom kaznom od 500 KM do 2.000 KM.

(2) Ako se prekršaj iz st. 1. ovog člana okvalifikuje kao težak prekršaj ili se ponovi, biće kažnjen:

a) igrač, zabranom igranja od šest mjeseci do godinu dana,

b) sportski radnik, zabranom obavljanja funkcije od godinu dana do dvije godine.

#### **Član 59.**

##### **(Prekid utakmice od strane tima)**

(1) Ako je tim za vrijeme utakmice prouzrokovao nered zbog kojih je utakmica prekinuta ili je napustio teren za igru pa utakmica nije nastavljena, klub će biti kažnjen oduzimanjem od tri do šest bodova i novčanom kaznom od 1.000 KM do 5.000 KM.

(2) Ako se prekršaj iz st. 1. ovog člana, ponovi ili tim počini teži prekršaj, zbog čega će se utakmica prekinuti i neće biti nastavljena, klub će biti kažnjen oduzimanjem od šest do 12 bodova i novčanom kaznom od 5.000 KM do 10.000 KM.

#### **Član 60.**

##### **(Nagovaranje na prekid utakmice)**

(1) Igrač ili sportski radnik koji nagovara tim da iz bilo kojih razloga napusti teren ili ne započne igranje utakmice, biće kažnjen:

a) igrač, zabranom igranja od šest mjeseci do godinu dana i novčanom kaznom od 500 KM do 2.000 KM,

b) sportski radnik, zabranom vršenja funkcije od šest mjeseci do godinu dana i novčanom kaznom od 500 KM do 2.000 KM.

(2) Ako se prekršaj iz st. 1. ovog člana ponovi, biće kažnjen:

a) igrač, zabranom igranja od godinu dana do dvije godine i novčanom kaznom od 2.000 KM do 3.000 KM,

b) sportski radnik, zabranom obavljanja funkcije od godinu dana do dvije godine i novčanom kaznom od 2.000 KM do 5.000 KM.

(3) Ako prihvate nagovaranje i igralište napuste do tri igrača, a ostali nastave igru, biće kažnjen igrač zabranom igranja od šest mjeseca do godinu dana,

(4) Ako prihvate nagovaranje pa teren napuste najmanje četiri igrača, zbog čega se utakmica prekida, biće kažnjen igrač zabranom igranja od godinu dana do dvije godine.

(5) Ako se prihvati nagovaranje pa cijeli tim napusti teren, odnosno ne otpočne utakmicu pa ista bude prekinuta, klub će biti kažnjen oduzimanjem od tri do 12 bodova odnosno od tri do 12 negativnih bodova.

#### **Član 61. (Neodigravanje utakmice)**

(1) Klub, čiji tim neopravdano ne nastupi na prvenstvenoj utakmici, biće kažnjen oduzimanjem od tri do 12 bodova, odnosno od tri do 12 negativnih bodova.

(2) Klub, čiji tim neopravdano ne nastupi na kup utakmici, biće kažnjen novčanom kaznom najmanje 5.000 KM.

(3) Ako klub neopravdano ne dođe na ugovorenu javnu utakmicu, odnosno ne odigra utakmicu prijateljskog karaktera, biće kažnjen novčanom kaznom do 3.000 KM uz obavezu nadoknade troškova nastalih zbog organizovanja prijateljske utakmice čiju visinu utvrđuje disciplinski organ na zahtjev oštećenog kluba.

#### **Član 62. (Odustajanje od takmičenja)**

(1) Klub, koji neopravdano odustane od **prvenstvenog takmičenja**, biće kažnjen vraćanjem u najniži stepen takmičenja i kaznom od šest do 12 negativnih bodova.

(2) Klub, koji neopravdano odustane od takmičenja za **nogometni/fudbalski kup BiH**, biće kažnjen novčanom kaznom do 10.000 KM.

### **IV Nepravilno nastupanje igrača i klubova**

#### **Član 63. (Nepravilno nastupanje igrača)**

(1) Ako igrač nastupi na utakmici a da prema odredbama Pravilnika o nogometnim/fudbalskim takmičenjima BiH i propozicijama odnosnog takmičenja nije imao pravo nastupa, biće kažnjen:

a) igrač, zabranom igranja od šest do 12 utakmica i novčanom kaznom od 500 KM do 1.000 KM,

b) klub, oduzimanjem od tri do devet bodova, odnosno oduzimanjem od tri do devet negativnih bodova i novčanom kaznom od 1.000 KM do 3.000 KM.

(2) Pod izrazom **nastupio**, u smislu ovog člana, ne podrazumijevaju se rezervni igrači upisani u zapisnik sa utakmice koji nisu učestovali u igri, a što se ne odnosi na igrače iz zapisnika sa utakmice futsala.

#### **Član 64. (Nastup suspendovanog kluba)**

(1) Ako klub koji se nalazi pod suspenzijom ili kaznom nastupi na javnoj utakmici, biće kažnjen oduzimanjem od tri do šest bodova, odnosno kaznom od tri do šest negativnih bodova.

(2) Ako se prekršaj iz st. 1. ovog člana ponovi, klub će biti kažnjen oduzimanjem od šest do 12 bodova, odnosno kaznom od šest do 12 negativnih bodova.

(3) Kazna iz st. 1. i 2. ovog člana će se primijeniti i na klub koji nastupi protiv suspendovanog ili kažnjenog kluba, ako je blagovremeno, najkasnije 48 sati prije odigravanja utakmice, pismeno obaviješten o suspenziji ili kazni.

#### **Član 65. (Prekršaj u vezi sa registracijom igrača)**

(1) Ko daje lažne, netačne ili nepotpune podatke bitne za pravilnu registraciju, prepravlja ili unosi netačne podatke u dokumenta potrebna za registraciju, istovremeno se registruje za dva ili više klubova ili na bilo koji drugi način obmane svoj ili drugi klub i nadležni organ za registraciju, a u vezi sa registrovanjem i nastupom na utakmici, biće kažnjen:

a) igrač, zabranom igranja od tri mjeseca do godinu dana,  
b) sportski radnik, zabranom vršenja funkcije od tri mjeseca do godinu dana,  
c) klub, oduzimanjem od tri do devet bodova, odnosno kaznom od tri do devet negativnih bodova.

(2) Sportski radnik, član organa za registraciju, koji je znao za bilo koju nepravilnost iz st. 1. ovog člana pa je prećutao, biće kažnjen zabranom vršenja funkcije u trajanju od jedne do dvije godine.

(3) Za pokušaj će biti kažnjen.

## **V Neispunjavanje određenih obaveza i otežavanje rada**

### **Član 66. (Neispunjavanje reprezentativnih obaveza)**

(1) Igrač, koji se neopravdano ne odazove pozivu u vezi sa obavezama bilo koje reprezentativne selekcije u Bosni i Hercegovini ili samoinicijativno prekine sa ispunjavanjem zadatih obaveza, biće kažnjen zabranom igranja od dvije do šest utakmica i novčanom kaznom od 2.000 KM do 5.000 KM.

(2) Igrač ili sportski radnik koji nagovori igrača da učini prekršaj iz st. 1. ovog člana, biće kažnjen:

- a) igrač, zabranom igranja od od tri mjeseca do godinu dana,
- b) sportski radnik, zabranom vršenja funkcije od tri mjeseca do godinu dana.

(3) Ako klub preko svojih članova ili na bilo koji drugi način doprinese da njegov igrač počinu prekršaj iz st. 1. ovog člana, biće kažnjen novčanom kaznom od 5.000 KM do 20.000 KM.

### **Član 67. (Otežavanje vođenja postupka)**

(1) Ko otežava vođenje disciplinskog postupka prikazivanjem lažnih činjenica i davanjem netačnih podataka biće kažnjen:

- a) igrač i sportski radnik, novčanom kaznom od 500 do 2.000 KM,
- b) klub, novčanom kaznom od 1.000 do 5.000 KM.

(2) Zbog neodazivanja na prvi poziv, ako je saslušanje neophodno radi utvrđivanja činjeničnog stanja, disciplinski organ može izreći suspenziju koja traje prema odredbama ovog pravilnika.

### **Član 68. (Zanemarivanje obaveza)**

Ko prema nadležnim tijelima, koja pripadaju organizacijskoj strukturi NS/FS BiH i strukturi njenih članova, zanemaruje svoje obaveze u smislu da ne dostavi određenu dokumentaciju prema propisima o registraciji, sportske legitimacije pred utakmicu kao i druga dokumenata i formulare predviđene propozicijama o takmičenju, kasni u isplati troškova službenim licima utakmice, ne prijavi javnu utakmicu i turnir ili ih neblagovremenov prijavi, ne provjerava određene podatke u sportskim legitimacijama, kasni u dostavljanu raznih izvještaja i drugih pismena što nadležnim tijelima otežava rad te ne izvršava ažurno i druge dužnosti i obaveze koje proističu iz nogometnih/fudbalskih propisa, biće kažnjen:

- a) igrač, zabranom igranja od dvije do šest utakmica,
- b) sportski radnik, zabranom vršenja funkcije od tri do 12 mjeseci,
- c) službeno lice utakmice, novčanom kaznom do 2.000 KM,
- d) klub, novčanom kaznom od 1.000 KM do 5.000 KM.



**Član 69.**  
**(Obmanjivanje i dovođenje u zabludu)**

(1) Ako igrač, službeno lice utakmice, sportski radnik ili klub, daje lažne, netačne ili nepotpune podatke ili u zapisnik sa utakmice unese takve podatke i time obmane nadležni takmičarski organ pri utvrđivanju činjeničnog stanja zbog čega se može donijeti nepravilna odluka, daje takve podatke bitne za stručno-pedagoški rad a što je od značaja za klub u odgovarajućem uzrasnom stepenu takmičenja, falsifikuje dokument i isti koristi kao pravi, lažno se predstavi ili na bilo koji drugi način drugoga obmane i dovede u zabludu, biće kažnjen .

- a) igrač i sportski radnik, novčanom kaznom od 300 KM do 1.000 KM,
- b) službeno lice utakmice, novčanom kaznom do 3.000 KM,
- c) klub, novčanom kaznom od 1.000 KM do 2.000 KM,

(2) Ako se prekršaj iz st. 1. ovog člana ponovi ili se okvalifikuje kao teži prekršaj, biće kažnjen:

- a) igrač, zabranom igranja od tri mjeseca do godinu dana,
- b) službeno lice utakmice, zabranom vršenja funkcije do 4 mjeseca,
- c) sportski radnik, zabranom vršenja funkcije od jedne do dvije godine
- d) klub, oduzimanjem od tri do devet bodova, odnosno kaznom od tri do devet negativnih bodova.

(3) Za pokušaj će biti kažnjen.

**Član 70.**  
**(Neizvršavanje odluke nadležnog organa)**

(1) Ko ne izvršava odluke i naređenja nadležnog nogometnog/fudbalskog organa, biće kažnjen:

- a) klub, novčanom kaznom od 1.000 KM do 5.000 KM,
- b) sportski radnik, zabranom vršenja funkcije od tri mjeseca do godinu dana.

(2) Ako se prekršaj iz st. 1. ovog člana ponovi ili se okvalifikuje kao teži prekršaj, biće kažnjeni:

- a) klub, oduzimanjem od dva do šest bodova ili kaznom od dva do šest negativnih bodova
- b) sportski radnik, zabranom vršenja funkcije od šest mjeseci do godinu dana.

**Član 71.**  
**(Propusti u vezi sa snimanjem utakmice)**

(1) Ako klub ne snimi utakmicu koju je obavezan snimiti ili je snimi, a video materijal ne dostavi nadležnom organu u propisanom roku ili ga dostavi u neispravnom i neupotrebljivom stanju, te ako onemoguću gotujućem klubu snimanje utakmice, biće kažnjen novčanom kaznom od 2.000 KM do 5.000 KM.

(2) Ako se prekršaj iz st. 1. ovog člana ponovi, klub će biti kažnjen novčanom kaznom od 5.000 KM do 10.000 KM.

## **VI Prekršaji sa koruptivnim obilježjima**

### **Član 72. (Učešće u neregularnosti)**

(1) Ako igrač, sportski radnik, službeno lice utakmice ili klub u svoje ime, ili u ime i za korist treće strane, u direktnom kontaktu ili preko drugog nagovara, obećava ili pruža poklone ili bilo koju drugu materijalnu i nematerijalnu korist, kako igrač ne bi igrao prema svojim mogućnostima i znanju te da lažira jednu ili više utakmica na štetu svog kluba a u korist trećeg, odnosno da igrač, sportski radnik ili službeno lice utakmice učini bilo što protivno važećim propisima ili da ne čini ono što im propisi i društvene norme nalažu, biće kažnjen:

- a) igrač, zabranom igranja od šest mjeseci do dvije godine,
- b) sportski radnik i službeno lice utakmice, zabranom vršenja funkcije od jedne do dvije godine,
- c) klub, oduzimanjem od šest do 18 bodova, odnosno od šest do 18 negativnih bodova.

(2) Ako bilo ko bude nagovoren, prihvati poklon ili bilo koju materijalnu i nematerijalnu korist i počinu prekršaj iz st. 1. ovog člana ili na drugi način učestvuje u neregularnosti, biće kažnjen po tačkama istog stava.

(3) Ako se prekršaj iz st. 1. i 2. ovog člana ponovi ili se okvalifikuje težim prekršajem, biće kažnjen:

- a) igrač, zabranom igranja od jedne do dvije godine dana ili isključenjem iz nogometne/fudbalske organizacije
- b) sportski radnik i službeno lice utakmice, zabranom vršenja funkcije od jedne do dvije godine ili isključenjem iz nogometne/fudbalske organizacije
- c) klub, vraćanjem u prvi niži stepen takmičenja i kaznom od šest do 18 negativnih bodova.

(4) Ako je igrač ili bilo koji sportski radnik, svjedok nagovaranja, obećanja, davanja i primanja bilo kakve koristi u vezi sa neregularnostima u nogometnom/fudbalskom sportu, a svoja saznanja o tome ne prijavi nadležnim organima, biće kažnjen kao i da je sam počinio taj prekršaj.

(5) Uz kazne iz st. 1, 2 i 3. ovog člana, izreći će se i novčana kazna.

(6) Za pokušaj će biti kažnjen.

## **VII Prekršaji sa obilježjima diskriminacije**

### **Član 73. (Vrijeđanje i klevetanje)**

(1) Igrač, sportski radnik ili klub, koji vrijeđa, ponižava, omalovažava, kleveta ili širi neistine o klubovima, pojedincima, takmičarskim organima ili bilo kojem, drugom organu NS/FS BiH, biće kažnjen:

- a) igrač, novčanom kaznom od 1.000 KM do 3.000 KM,
- b) sportski radnik, novčanom kaznom od 1.000 KM do 3.000 KM,
- c) klub, novčanom kaznom od 3.000 KM do 5.000 KM,

(2) Ako se prekršaj iz st.1. ovog člana ponovi ili se okvalifikuje kao teži prekršaj, biće kažnjen:

- a) igrač, zabranom igranja od tri mjeseca do jedne godine,
- b) sportski radnik, zabranom vršenja funkcije od tri mjeseca do dvije godine,
- c) klub, oduzimanje od tri do 12 bodova, ili kaznom od tri do 12 negativnih bodova.

(3) Pod težim prekršajem smatraće se, naročito ako su pri radnji izvršenja korišćena sredstva javnog informisanja, ako je prekršaj počinjen pred utakmicu, za vrijeme i poslije utakmice, na stadionu ili u neposrednoj blizini stadiona i slično.

### **Član 74. (Rasizam i drugi oblici diskriminacije)**

(1) Ko javno vrijeđa ljudsko dostojanstvo drugog po osnovu rase, boje, nacije, religije, jezika ili počinji neki drugi diskriminirajući čin ili pokazuje vidove ekstremističke ideološke propagande, biće kažnjen:

- a) igrač, zabranom igranja od tri do devet utakmica i novčanom kaznom od 1.000 KM do 3.000 KM,
- b) sportski radnik, zabranom vršenja funkcije od tri do šest mjeseci i novčanom kaznom od 1.000 KM do 3.000 KM,
- c) klub, novčanom kaznom od 3.000 KM do 10.000 KM

(2) Ako se prekršaj iz st. 1. ovog člana ponovi ili se okvalifikuje kao teži prekršaj, biće kažnjen:

- a) igrač, zabranom igranja od tri mjeseca do godinu dana i novčanom kaznom od 3.000 KM do 5.000 KM,
- b) sportski radnik, zabranom vršenja funkcije od tri mjeseca do godinu dana i novčanom kaznom od 3.000 KM do 5.000 KM,
- c) klub, novčanom kaznom od 10.000 KM do 30.000 KM

(3) Kao teži prekršaj smatraće se, naročito, ako je počinjen zajedno od strane dva ili više igrača, zajedno sa sportskim radnicima, članovima kluba, gledaocima i slično.

(4) Gledaocu, kome se utvrdi odgovornost za prekršaj iz st. 1. i 2. ovog člana, biće izrečena mjera zabrane ulaska na bilo koji stadion.

(5) Ako gledaoci na utakmici ili javnoj utakmici pokazuju natpise i simbole koji javno vrijeđaju ljudsko dostojanstvo po osnovu rase, boje, nacije, religije, jezika ili počine neki drugi diskriminirajući čin ili pokazuje vidove ekstremističke ideološke propagande, klub za koji gledaoci navijaju biće kažnjen noćanom kaznom od 3.000 KM do 30.000 KM.

## **VIII Prekršaji u vezi sa kodeksom ponašanja, anti-dopingom i licenciranjem klubova**

### **Član 75.**

#### **(Prekršaji vezani za povrede kodeksa ponašanja i anti-doping)**

Ko učini prekršaj propisan „Pravilnikom o anti-dopingu NS/FS BiH“ biće kažnjen u skladu sa odredbama tog pravilnika.

Ko učini prekršaj propisan „Kodeksom ponašanja članova nogometne/fudbalske organizacije“ biće kažnjen u skladu sa odredbama tog kodeksa i ovog pravilnika.

### **Član 76.**

#### **(Neizvršavanje obaveza u postupku licenciranja klubova)**

(1) Ako klub u postupku licenciranja, falsifikovanjem dokumenata, prezentacijom netačnih podataka ili na drugi način dovede nadležni organ u zabludu ili prekrši princip povjerljivosti, kao i kada u drugim slučajevima postupa protivno odredbama „Pravilnika o licenciranju klubova za učešće u takmičenju Premijer lige BiH“, biće kažnjen:

- a) klub, novčanom kaznom od 1.000 KM do 5.000 KM,
- b) sportski radnik kao odgovorno lice u klubu, novčanom kaznom od 500 KM do 2.000 KM.

(2) Ako se prekršaj iz st. 1. ovog člana ponovi ili okvalifikuje kao teži prekršaj, biće kažnjen:

- a) klub, novčanom kaznom od 5.000 KM do 20.000 KM,
- b) sportski radnik kao odgovorno lice, zabranom obavljanja funkcije od tri mjeseca do godinu dana.

(3) Ako se prezentovana dokumentacija iz st. 1. ovog člana odnosi na dokazivanje ispravnosti objekata određenog stadiona, igranja na tom stadionu biće zabranjeno sve dok se ne otklone uočene negativnosti.

(4) Ako se u postupku licenciranja ne ispuni neki od zadatih kriterija „B“ određenih u pravilniku iz st. 1. ovog člana, koji ne utiču na dodjeljivanje licence, biće kažnjen:

- a) klub, novčanom kaznom do 2.000 KM,

b) sportski radnik kao odgovorno lice, novčanom kaznom do 1.000 KM.

(5) Klub, koji nije u obavezi prolaziti kroz postupak licenciranja, ali ne zadovoljava uslove propisane propozicijama odgovarajućeg takmičenja, biće kažnjen novčanom kaznom od 1.000 KM do 3.000 KM.

#### **Član 77.**

#### **(Neizvršavanje obaveza u postupku licenciranja klubova za UEFA-ina takmičenja)**

(1) Ako klub prekrši odredbe iz člana 42. „Pravilnika za licenciranje klubova za učešće u UEFA-inim takmičenjima“, a u vezi sa popunjavanjem radnih mjesta, adekvatnim kadrovima, koja tokom takmičarske godine ostanu upražnjena, biće kažnjen novčanom kaznom od 500 KM do 2.000 KM.

(2) Ako se prekršaj iz st. 1. ovog člana ponovi klub će biti kažnjen novčanom kaznom od 2.000 KM do 5.000 KM.

### **IX Prekršaji u vezi sa međunarodnim utakmicama**

#### **Član 78.**

#### **(Nastup klupskog tima u inostranstvu bez odobrenja)**

(1) Klub koji organizuje i odigra javnu utakmicu u inostranstvu bez odobrenje nadležnog organa ili se blagovremeno ne vrati iz inostranstva, biće kažnjen:

- a) klub, zabranom igranja utakmica u inostranstvu najmanje godinu dana,
- b) sportski radnik, kao odgovorno lice u klubu, zabranom vršenja funkcije do godinu dana.

(2) Ako se prekršaj iz st. 1. ovog člana ponovi ili se okvalifikuje kao teži prekršaj, biće kažnjen:

- a) klub, oduzimanjem od šest do devet bodova, odnosno šest do devet negativnih bodova,
- b) sportski radnik, kao odgovorno lice u klubu, zabranom vršenja funkcije od godinu dana do dvije godine.

(3) Kazna iz st. 2. tač. a), ovog člana, primjenjivaće se na tim one uzrasne kategorije koji je nastupao u inostranstvu.

**Član 79.**  
**(Odigravanje utakmice u inostranstvu bez odobrenja  
kada se tim nalazi na turneji)**

(1) Ako klub za vrijeme turneje u inostranstvu dogovori i odigra javnu utakmicu bez odobrenja nadležnog organa, biće kažnjen:

- a) klub, zabranom igranja utakmica u inostranstvu najmanje godinu dana,
- b) sportski radnik, kao odgovorno lice u klubu, zabranom vršenja funkcije do godinu dana.

(2) Ako se prekršaj iz st. 1. ovog člana ponovi ili okvalifikuje kao teži prekršaj, biće kažnjen:

- a) klub, oduzimanjem od šest do devet bodova, odnosno od šest do devet negativnih bodova,
- b) sportski radnik, kao odgovorno lice u klubu, zabranom vršenja funkcije od godinu dana do dvije godine.

(3) Kazna iz st. 2. ovog člana primjenjuje se na tim one uzrasne kategorije koji je nastupao u inostranstvu.

**Član 80.**  
**(Nanošenje štete ugledu NS/FS BiH i našoj zemlji tokom  
igranja i boravka u inostranstvu)**

(1) Ako igrač ili sportski radnik-član kluba, dok boravi u inostranstvu u vezi sa odobrenom utakmicom ili turnejom, svojim ponašanjem na utakmici ili van utakmice, nanese štetu ugledu NS/FS BiH ili uopšte, našoj zemlji, biće kažnjen:

- a) klub, zabranom igranja utakmica u inostranstvu do godinu dana,
- b) sportski radnik, zabranom vršenja funkcije do godinu dana,
- c) igrač, zabranom igranja najmanje tri mjeseca.

(2) Ako se prekršaj iz st. 1. ovog člana ponovi ili okvalifikuje kao težak prekršaj, biće kažnjen:

- a) klub, zabranom igranja u inostranstvu najmanje godinu dana,
- b) sportski radnik, zabranom vršenja funkcije najmanje godinu dana,
- c) igrač, zabranom igranja najmanje šest mjeseci.

**Član 81.**  
**(Nepravilan nastup igrača na javnoj utakmici u inostranstvu)**

(1) Ako je u inostranstvu na javnoj utakmici nastupio igrač koji se nalazi pod suspenzijom ili izdržava kaznu zabrane igranja za određeni vremenski period, odnosno ako nije stekao pravo igranja, biće kažnjen:

- a) klub, novčanom kaznom od 1.000 KM do 3.000 KM,
- b) sportski radnik, kao odgovorno lice u klubu, novčanom kaznom najmanje 1.000 KM,
- c) igrač, novčanom kaznom od 500 KM do 1.000 KM.

(2) Ako se prekršaj iz st. 1. ovog člana ponovi, biće kažnjen:

- a) klub, novčanom kaznom najmanje 3.000 KM,
- b) sportski radnik, kao odgovorno lice u klubu, novčanom kaznom od 500 KM do 1.000 KM,
- c) igrač, novčanom kaznom najmanje 1.000 KM.

**X Prekršaji službenih lica utakmice**

**Član 82.**  
**(Nedolazak na utakmicu)**

(1) Službeno lice utakmice, koje neopravdano ne dođe na utakmicu ili dođe na stadion, ali iz opravdanih razloga nije mogao obaviti svoju dužnost na utakmici, a nije blagovremeno otkazao nalog, biće kažnjen zabranom suđenja od tri mjeseca do šest mjeseci, ako je u pitanju sudija, a drugo službeno lice utakmice, zabranom vršenja funkcije od tri mjeseca do šest mjeseci.

(2) Ako se prekršaj iz st. 1. ovog člana ponovi ili se okvalifikuje kao teži prekršaj, učinilac će biti kažnjen zabranom suđenja od šest mjeseci do godinu dana, odnosno zabranom vršenja funkcije od šest mjeseci do godinu dana.

**Član 83.**  
**(Nesportsko ponašanje)**

(1) Službeno lice utakmice, koje se nesportski ponaša za vrijeme utakmice, biće kažnjen zabranom suđenja od tri mjeseca do godinu dana, ako je u pitanju sudija, a drugo službeno lice utakmice, zabranom vršenja funkcije od tri mjeseca do godinu dana.

(2) Ako se prekršaj iz st. 1. ovog člana ponovi ili okvalifikuje kao teži prekršaj, sudija će biti kažnjen zabranom suđenja od godinu dana do dvije godine, a drugo službeno lice utakmice, zabranom vršenja funkcije od godinu dana do dvije godine.

**Član 84.**  
**(Nepravilno naplaćivanje troškova)**

(1) Službeno lice utakmice, koje naplati troškove u vezi sa obavljenom dužnošću na utakmici u većem iznosu nego što to je propisano, biće kažnjen zabranom suđenja od tri mjeseca do šest mjeseci, ako je u pitanju sudija, a ako je u pitanju drugo službeno lice utakmice, zabranom vršenja funkcije od tri mjeseca do šest mjeseci.

(2) Ako se prekršaj iz st.1. ovog člana ponovi ili se okvalifikuje kao teži prekršaj, sudija će biti kažnjen zabranom suđenja od šest mjeseci do jedne godine ili isključenjem iz nogometne/fudbalske organizacije, a ako je u pitanju drugo službeno lice utakmice, zabranom vršenja funkcije od šest mjeseci do godinu dana ili isključenjem iz nogometne/fudbalske organizacije.

(3) Službeno lice utakmice je obavezano vratiti klubu razliku više naplaćenih troškova u odnosu na propisima utvrđeni iznos.

**Član 85.**  
**(Izjave u sredstvima informisanja)**

(1) Službeno lice utakmice koje daje izjavu o suđenju u sredstvima javnog informisanja, biće kažnjen novčanom kaznom od 500 KM do 2.000 KM.

(2) Ako se prekršaj iz st.1. ovog člana ponovi ili se okvalifikuje kao teži prekršaj, učinilac će biti kažnjen novčanom kaznom od 2.000 KM do 5.000 KM.

**Član 86.**  
**(Uvreda i kleveta)**

(1) Službeno lice utakmice, koje na stadionu vrijeđa ili kleveće gledaoce, sportske radnike, klub ili njegove članove, a u vezi sa nogometnim/fudbalskim sportom, biće kažnjen zabranom suđenja od tri mjeseca do šest mjeseci, ako je u pitanju sudija, a ako je u pitanju drugo službeno lice utakmice, zabranom vršenja funkcije od tri mjeseca do šest mjeseci.

(2) Ako se prekršaj iz st. 1. ovog člana ponovi ili se okvalifikuje kao teži prekršaj, sudija će biti kažnjen zabranom suđenja od šest mjeseci do godinu dana ili isključenjem iz nogometne/fudbalske organizacije, a drugo službeno lice utakmice zabranom vršenja funkcije od šest mjeseci do godinu dana ili isključenjem iz nogometne/fudbalske organizacije.

**Član 87.**  
**(Fizički napad službenog lica utakmice na drugoga)**

(1) Službeno lice utakmice, koje prije utakmice, za vrijeme ili poslije utakmice fizički napadne igrača, drugo službeno lice utakmice, sportskog radnika ili gledaoca, biće kažnjen zabranom suđenja od šest mjeseci do godinu dana, ako je u pitanju sudija, a drugo službeno lice utakmice zabranom vršenja funkcije od šest mjeseci do godinu dana.



(2) Ako se prekršaj iz st. 1. ovog člana ponovi ili se okvalifikuje kao teži prekršaj, sudija će biti kažnjen zabranom suđenja od godinu dana do dvije godine, a drugo službeno lice utakmice zabranom vršenja funkcije od godinu dana do dvije godine.

**Član 88.**  
**(Obavljanje dužnosti pod suspenzijom ili kaznom)**

(1) Službeno lice utakmice, koje obavlja određenu dužnost na utakmici ili javnoj utakmici, a nalazi se pod suspenzijom ili izdržava kaznu zabrane, biće kažnjen dvostrukom mjerom zaprijećene kazne za prekršaj zbog kojeg je suspendovan, odnosno dvostrukom mjerom izrečene kazne koju izdržava, s tim da ta kazna ne može preći najveću mjeru te vrste kazne.

(2) Ako se prekršaj iz st. 1. ovog člana ponovi učinilac će se kazniti isključenjem iz nogometne/fudbalske organizacije.

**Član 89.**  
**(Neopravdan prekid utakmice)**

Sudija, koji neopravdano prekine utakmicu, biće kažnjen zabranom suđenja od šest mjeseci do godinu dana.

**Član 90.**  
**(Poništena utakmica krivicom sudije)**

(1) Ako je utakmica poništena zbog bitne povrede Pravila nogometne/fudbalske igre, sudija će biti kažnjen zabranom suđenja od šest mjeseci do godinu dana.

(2) Ako se prekršaj iz st. 1. ovog člana ponovi ili se okvalifikuje kao teži prekršaj, biće kažnjen zabranom suđenja od godinu dana do dvije godine.

**Član 91.**  
**(Netačan izvještaj sa utakmice)**

(1) Sudija, koji podnese netačan izvještaj o utakmici na kojoj je obavio svoju dužnost, biće kažnjen zabranom suđenja od tri mjeseca do šest mjeseci.

(2) Ako se prekršaj iz st. 1. ovog člana ponovi ili se okvalifikuje kao teži prekršaj, biće kažnjen zabranom suđenja od šest mjeseci do godinu dana.

### III

## DISCIPLINSKI POSTUPAK

### I Disciplinski organi

#### **Član 92.** **(Disciplinska komisija NS/FS BiH)**

(1)Disciplinska komisija NS/FS BiH nadležna je za rješavanje u prvom stepenu o svim prekršajima koje su izvršili:

- a) sportski radnici kao članovi tijela NS/FS BiH,
- b) klubovi, igrači, službena lica utakmice i sportski radnici na utakmicama i u vezi sa utakmicama u okviru takmičenja kojim rukovode ili ih odobravaju tijela NS/FS BiH, kao i na utakmicama svih reprezentacija BiH i prekršajima učinjeni u vezi sa tim utakmicama,
- c) klubovi, u vezi sa obavezama prema Savezu,
- d) klubovi, u vezi sa obavezama iz Pravilnika o licenciranju klubova NS/FS BiH,
- e) klubovi, sportski radnici i igrači u vezi sa naknadama prilikom prelaska igrača iz kluba u klub.

(2)Protiv odluka Disciplinske komisije NS/FS BiH donesenih u prvom stepenu može se podnijeti žalba Apelacionoj komisiji NS/FS BIH kao drugostepenom organu u disciplinskom postupku.

#### **Član 93.** **(Disciplinski organi entitetskih nogometnih/fudbalskih saveza)**

(1)Disciplinski organ entitetskog nogometnog/fudbalskog saveza nadležan je za rješavanje u prvom stepenu o svim prekršajima koje su izvršili:

- a) sportski radnici kao članovi tijela nogometnog/fudbalskog saveza entiteta,
- b) klubovi, igrači, službena lica utakmice i sportski radnici na utakmicama i u vezi sa utakmicama u okviru takmičenja kojim rukovode ili ih odobravaju tijela nogometnog/fudbalskog saveza entiteta, kao i utakmicama svih selekcija entitetskog saveza i prekršajima učinjenim u vezi sa tim utakmicama.
- c) klubovi, u vezi sa obavezama prema savezu entiteta,
- d) klubovi, u vezi sa obavezama iz propozicija takmičenja,
- e) klubovi, sportski radnici i igrači u vezi sa naknadama prilikom prelaska igrača iz kluba u klub.

(2)Protiv odluka disciplinskog organa entitetskog saveza donesenih u prvom stepenu žalba se podnosi drugostepenom organu koji je određen statutom entitetskog saveza.

**Član 94.**  
**(Disciplinski organi kantonalnih, županijskih i područnih)**  
**nogometnih/fudbalskih saveza**

(1)Disciplinski organ nogometnog/fudbalskog saveza kantona, županije ili područja nadležan je da u prvom stepenu rješava o svim prekršajima koje su izvršili:

- a) sportski radnici kao članovi tijela nogometnog/fudbalskog saveza kantona, županije ili područja,
- b) klubovi, igrači, službena lica utakmice i sportski radnici na utakmicama i u vezi sa utakmicama u okviru takmičenja kojim rukovode ili ih odobravaju tijela kantonalnog, županijskog ili područnog saveza, kao i utakmicama svih selekcija kantonalnog, županijskog ili područnog saveza i prekršajima učinjenim u vezi sa tim utakmicama,
- c) klubovi, u vezi sa obavezama prema kantonalnom, županijskom ili područnom savezu,
- d) klubovi kantonalnog, županijskog ili područnog stepena takmičenja, u vezi sa obavezama iz propozicija takmičenja,
- e) klubovi, sportski radnici i igrači kada je riječ o propisima o registraciji igrača koji prelaze iz kluba u klub.

(2)Protiv odluka disciplinskog organa iz st. 1. ovog člana donesenih u prvom stepenu žalba se podnosi drugostepenom organu koji je određen statutom kantonalnog, županijskog ili područnog saveza.

(3)Kantonalni/županijski i područni savez može donijeti propise o nadležnosti disciplinskih organa nižih stepena takmičenja od kantonalnog.

**Član 95.**  
**(Disciplinski organi klubova)**

(1)Disciplinski organ kluba izriče kazne članovima kluba za prekršaje učinjene prema klubu.

(2)Ukoliko kazne kluba nisu verifikovane od nadležnog disciplinskog organa saveza, iste važe samo u okvirima kluba.

(3)Protiv odluke disciplinskog organa kluba donesene u prvom stepenu može se uložiti žalba drugostepenom organu kluba.

**Član 96.**  
**(Izuzeće)**

(1) Član disciplinskog organa ne može učestvovati u disciplinskom postupku ako postoji ozbiljan osnov za dovođenje u pitanje njegove nepristranosti, a naročito:

- a) ako ima direktan interes za odluku u predmetu,
- b) ako je povezan sa bilo kojom od strana u postupku,
- c) ako se ranije u bilo kakvim okolnostima već bavio predmetom.

(2) U slučaju iz st.1. ovog člana, član disciplinskog organa je dužan o tome odmah obavjestiti predsjednika disciplinskog organa i zatražiti svoje izuzeće, a što mogu tražiti i stranke u postupku.

(3) O izuzeću odlučuje predsjednik disciplinskog organa, a ako se radi o izuzeću predsjednika, onda o tome odluku donose ostali članovi disciplinskog organa.

(4) Odluke, donesene u postupku u kojem je učestvovao član disciplinskog organa koji je trebao biti izuzet, ništave su.

**Član 97.**  
**(Nezavisnost u odlučivanju)**

(1) Disciplinski organ donosi odluke potpuno nezavisno bez bilo kakvih uputa i sugestija od strane drugoga.

(2) Član nekog drugog tijela nogometnog/fudbalskog saveza ne može prisustvovati na sjednicama disciplinskog organa ako nije izričito pozvan na istu.

**Član 98.**  
**(Povjerljivost)**

(1) Članovi disciplinskih organa su dužni da se prema svim saznanjima do kojih dođu tokom postupka, a naročito o činjenicama, sadržaju rasprave i odlučivanju, odnose sa naročitom povjerljivošću.

(2) Sadržaj odluka koje su saopštene i dostavljene stranama u postupku mogu biti dostupne javnosti.

## **II Načela disciplinskog postupka**

### **Član 99. (Osnovna načela disciplinskog postupka)**

(1)Disciplinski organ koji vodi postupak dužan je da potpuno i istinito utvrdi činjenice koje su od važnosti za donošenje odluke o prekršaju.

(2)Disciplinski postupak se vodi brzo i kratko, ograničavajući se samo na bitne činjenice, ali tako da se to ne odražava na pravilnost i zakonitost odluke koju treba donijeti.

(3)U disciplinskom postupku organ koji vodi postupak ocjenjuje dokaze po slobodnom uvjerenju sa obavezom da svaki dokaz cijeni posebno i da u vezi sa ostalim dokazima izvede zaključak o tome, da li je neka činjenica dokazana.

(4)Prije donošenja odluke o prekršaju disciplinski organ će saslušati okrivljenog o predmetu zbog kojeg se protiv njega vodi disciplinski postupak, osim u slučajevima kada je ovim pravilnikom predviđeno drugačije.

## **III Pokretanje i tok postupka**

### **Član 100. (Podnošenje prijave)**

(1)Prijavu za pokretanje disciplinskog postupka može podnijeti bilo koje fizičko ili pravno lice ako u bilo kom svojstvu ima status člana nogometnog/fudbalskog saveza.

(2)Prijava se podnosi pismeno ili usmeno, na zapisnik pred organom nogometnog/fudbalskog saveza.

(3)Ako je prijava iz st. 2. ovog člana podnesena pred nekim organom koji nije disciplinski nadležan, isti je obavezan takvu prijavu odmah, a najkasnije u roku 5 dana, dostaviti nadležnom disciplinskom organu.

(4)Ako je službeno lice utakmice u svom izvještaju opisalo događaj koji prema odredbama ovog pravilnika ima obilježja prekršaja, smatra se da je prijava podnesena u skladu sa st. 2. ovog člana.

(5)Službena lica utakmice su dužna prijaviti sve prekršaje koje su uočili na utakmici kao i druge prekršaje u vezi sa predmetnom utakmicom o kojima su obavješteni.

**Član 101.**  
**(Utvrđivanje nadležnosti)**

(1) Prije pokretanja postupka disciplinski organ utvrđuje svoju nadležnost za vođenje disciplinskog postupka.

(2) Ako se disciplinski organ iz st. 1. ovog člana oglasi nenadležnim za pokretanje i vođenje disciplinskog postupka, obavezan je odmah, a najkasnije u roku 5 dana, predmet dostaviti nadležnom disciplinskom organu.

(3) Sukob nadležnosti disciplinskih organa rješava zajednički neposredno viši disciplinski organ.

**Član 102.**  
**(Odbacivanje prijave)**

(1) Disciplinski organ neće pokrenuti postupak, nego će svojom odlukom odbaciti prijavu zbog sljedećih razloga:

- a) ako je prijava podnesena od neovlaštenog lica,
- b) kad radnja opisana u prijavi nije prekršaj,
- c) ako se protiv lica iz određenih razloga ne može voditi disciplinski postupak,
- d) ako nadležni disciplinski organ već vodi postupak ili je donio odluku,
- e) ako je nastupila zastara.

(2) Protiv odluke iz st. 1. ovog člana dozvoljena je žalba.

**Član 103.**  
**(Rokovi)**

(1) Rokovi predviđeni ovim pravilikom ne mogu se produžiti osim kada to odredbe ovog pravilnika izričito dozvoljavaju.

(2) Rok u disciplinskom postupku se računa na sljedeći način:

- a) ako se rok računa po danima, dan u kojem je izvršeno saopštavanje ili dostavljanje se ne računa u rok, već se za početak roka računa prvi, naredni dan,
- b) Na početak i tok roka ne utiče činjenica da su to neradni dani, ali ako posljednji dan roka pada u neradni dan, onda rok ističe sa protokom prvog, narednog radnog dana,
- c) kada je podnesak upućen putem pošte preporučenom pošiljkom, dan predaje pošti smatra se kao dan predaje onome kome je upućen.

(3) Ako je podnesak koji je vezan za rok, zbog neznanja ili očigledne omaške podnosioca predat ili upućen nenadležnom organu prije isteka roka, pa nadležnom disciplinskom organu stigne poslije isteka roka, smatraće se da je na vrijeme podnesen.

**Član 104.**  
**(Saslušavanje okrivljenog)**

(1)Disciplinski organ na svojoj sjednici saslušava okrivljenog ili čita njegovu pismenu izjavu.

(2)U opravdanim slučajevima, a naročito zbog prebivališta ili boravišta, disciplinski organ može zamoliti nogometni/fudbalski savez na čijem području okrivljeni ima prebivalište ili boravište da istog sasluša.

(3)Smatraće se da je neko saslušan ako na poziv nadležnog disciplinskog organa dostavi svoju pismenu izjavu.

(4)Ako okrivljeni odbije poziv da pristupi saslušavanju ili ne dostavi pismenu izjavu u utvrđenom roku, smatraće se da je saslušan.

(5)Smatra se da je igrač, koji je isključen iz igre ili sportski radnik, koji je za vrijeme utakmice udaljen iz tehničkog prostora, saslušan jer se o prekršaju takve vrste raspravlja i odlučuje na osnovu raspoloživog materijala dostavljenog od strane službenih lica utakmice.

**Član 105.**  
**(Sredstva dokazivanja)**

(1)Teret dokazivanja je na disciplinskom organu koji saslušava svjedoke i prikuplja druga relevantna dokazna sredstva.

(2)Činjenice sadržane u zapisniku i izvještajima službenih lica utakmice uzimaju se kao tačne, osim u situaciji postojanja tvrdnje da ono što je sadržano u zapisniku i izvještajima nije tačno kada teret dokazivanja prelazi na stranu koja iznosi takvu tvrdnju.

(3)Ako u izvještajima službenih lica sa utakmice postoji određena nesaglasnost, a nema drugog načina da se utvrdi materijalna istina, kao tačan uzima se izvještaj glavnog sudije, dok za incidentne situacije koje su se dogodile van terena za igru, kao tačan uzima se izvještaj delegata.

(4)Za dokazna sredstva prihvaćće se raspoloživi audio i video snimci, izjave date pred drugim organima u nekom drugom postupku, kao i izvještaji i druga pismena bezbjednosnih i drugih državnih tijela.

(5)U raspravljanu određenog pitanja, a u svrhu donošenja pravilne odluke, može se iz sastava nogometnog/fudbalskog saveza pozvati relevantna osoba radi konsultovanja i davanja stručnog mišljenja.

**Član 106.**  
**(Obrana okrivljenog)**

(1) Okrivljeni u toku postupka ima pravo zahtijevati da mu se predoče dokazi koji ga terete za predmetni prekršaj.

(2) Izuzetno, disciplinski organ će pravo iz st.1. ovog člana uskratiti ukoliko je potrebno zaštititi povjerljivost predmeta ili za pravilno vođenje postupka.

(3) Okrivljeni ima pravo zahtijevati da o svom trošku prisustvuje sjednici disciplinskog organa radi dodatnog obrazloženja svoje izjave i u tom slučaju može angažovati branioca.

**Član 107.**  
**(Rok za okončanje prvostepenog postupka)**

(1) Prvostepeni disciplinski postupak mora biti okončan donošenjem odluke u roku od dva mjeseca, računajući od dana podnošenja prijave.

(2) Ukoliko postupak nije završen u roku iz st.1. ovog člana, podnosilac prijave i tužilac NS/FS BiH imaju pravo žalbe drugostepenom organu.

**Član 108.**  
**(Obustavljanje postupka)**

(1) Disciplinski postupak se završava donošenjem odluke kojom se postupak obustavlja ili se okrivljenom utvrđuje odgovornost i izriče sankcija.

(2) Ako se disciplinski postupak vodi za više prekršaja, u odluci će se navesti za koje je prekršaje postupak obustavljen, a za koje je utvrđena odgovornost i koja mu se sankcija izriče.

(3) Disciplinski postupak će se obustaviti ako se utvrdi da nema dokaza da je prekršaj počinjen, ako je okrivljeni u toku postupka umro ili je trajno duševno obolio.

## **IV Troškovi postupka**

**Član 109.**  
**(Troškovi postupka)**

(1) U odluci o prekršaju određiće se ko snosi troškove postupka, u kojem iznosu i u kojem roku je dužan da ih plati.

(2) Troškovi postupka padaju na teret onoga ko je kažnjen za prekršaj.



(3)Troškove postupka za prekršaj po kojem je postupak obustavljen ili je okrivljeni oslobođen disciplinske odgovornosti snosi savez čiji je disciplinski organ vodio postupak.

(4)Onaj ko je okrivljen za više prekršaja neće snositi troškove postupka u pogledu prekršaja za koje je postupak obustavljen, ukoliko je moguće te troškove izdvojiti iz ukupnih troškova.

(5)Ako je u istom predmetu više okrivljenih kažnjeno, odrediće se koliko će svaki od njih platiti, a ako to nije moguće troškove će snositi solidarno.

(6)U opravdanim slučajevima kažnjeno lice može biti oslobođeno od plaćanja troškova postupka, u cjelosti ili djelimično.

## **V Suspenzija**

### **Član 110. (Automatska suspenzija)**

(1)Automatska suspenzija nastaje kada igrač bude isključen iz igre na utakmici ili javnoj utakmici i traje do okončanja disciplinskog postupka.

(2)Automatska suspenzija se istovremeno odnosi na nogomet/fudbal i na futsal, bez obzira u kojoj vrsti takmičenja je počinjen prekršaj zbog kojeg je igrač isključen.

(3)Nadležni disciplinski organ iz opravdanih razloga može donijeti odluku o ukidanju automatske suspenzije.

(4)Automatska suspenzija se uračunava u kaznu.

(5)Igrač na izdržavanju kazne zatvora izrečene u krivičnom postupku nalazi se pod automatskom suspenzijom za sve vrijeme trajanje te kazne.

### **Član 111. (Suspenzija na osnovu odluke disciplinskog organa) u vezi sa finansijskim obavezama**

(1)Ako klub, igrač, sportski radnik ili službeno lice utakmice, u ostavljenom roku, na osnovu pravosnažne odluke nadležnog organa ne ispuni određena finansijska potraživanja, po bilo kojem osnovu, prema drugom klubu, nogometnom/fudbalskom savezu, igraču, službenom licu utakmice ili sportskom radniku, a u vezi sa sportskim odnosima, biće suspendovan odlukom nadležnog disciplinskog organa.

(2)Suspendzija počinje da teče danom isteka ostavljenog roka za isplatu novčane kazne ili obaveze, a ukida se:

- a) odlukom disciplinskog organa čim se utvrdi da je prestao razlog suspendzije,
- b) automatski poslije izvršene uplate punog iznosa kazne ili obaveze, odnosno dospjele rate

(3)Klub je dužan istog dana dostaviti obavijest o izvršenju obaveze nadležnom organu putem telefaksa ili elektronskom poštom, a u svrhu preduzimanja odgovarajućih mjera u vezi sa eventualno predviđenim utakmicama do tada suspendovanog kluba.

### **Član 112.**

#### **(Suspendzija na osnovu odluke disc. org. u vezi sa težim prekršajem)**

(1)Suspendzija na osnovu odluke disciplinskog organa može se izreći igračima, klubovima, sportskim radnicima i službenim licima utakmice, u svim slučajevima kada je za učinjeni prekršaj ovim pravilnikom predviđena teža kazna.

(2)Suspendzija iz st. 1. ovog člana nastaje nakon isteka 24 sati od prijema odluke o suspendziji i traje mjesec dana.

(3)Ako predviđene radnje zbog kojih je donesena odluka o suspendziji nisu završene iz opravdanih razloga, nadležni disciplinski organ može produžiti suspendziju za još jedan mjesec.

(4)Suspendzija izrečena zbog nedolaska na saslušanje prestaje nakon što pozvani pristupi saslušanju.

## **VI Odluke disciplinskih organa**

### **Član 113.**

#### **(Pismena izrada odluke disciplinskog organa)**

(1)Pismeno urađena odluka o prekršaju sadrži uvod, izreku, obrazloženje, uputstvo o pravnom lijeku, broj i datum, potpis i pečat.

(2)Uvod odluke sadrži naziv i sastav disciplinskog organa, ime i prezime odnosno naziv i sjedište okrivljenog, prekršaj koji je predmet postupka, pravni osnov po kojem je odluka donesena i datum donošenja odluke.

(3)Izreka sadrži osnovne podatke o okrivljenom i odluku kojom se okrivljeni oglašava krivim ili se postupak obustavlja.

(4) Ako se okrivljeni oglašava krivim izreka će sadržavati opis prekršaja, odredbu kojom je prekršaj propisan, kaznu i način izvršenja te kazne i odluku o troškovima postupka.

(5) U obrazloženju će se iznijeti činjenice i iz kojih razloga su uzete kao dokazane ili nedokazane uz ocjenu protivrječnih dokaza, zatim razlozi zbog kojih nisu uvaženi prijedlozi u izvođenju pojedinih dokaza, olakšavajuće i otežavajuće okolnosti i razlozi ublažavanja kazne ili izricanja samo opomene.

(6) Uputstvo o pravnom lijeku sadrži pouku o tome ko ima pravo žalbe, u kojem se roku žalba izjavljuje, kome se predaje i ko o žalbi odlučuje.

#### **Član 114.**

##### **(Saopštavanje odluka prvostepenog disciplinskog organa)**

(1) Izreka svake odluke o kazni, sa datumom od kada se kazna izvršava, mora biti objavljena u službenom saopštenju saveza.

(2) Nadležni disciplinski organ dužan je kažnjenom dostaviti odluku pismeno, telefaksom ili preporučenom poštom.

(3) U složenim slučajevima dostavlja se samo izreka odluke, a kompletna odluka sa obrazloženjem može se dostaviti naknadno, ali najkasnije u roku od 15 dana od dana donošenja iste i u tom slučaju rok za žalbu počinje teći od dana prijema kompletne odluke.

(4) Ako je kažnjen jedan od timova kluba ili igrač tog kluba, odluka o kazni mora biti saopštena klubu najkasnije 24 sata prije odigravanja prve utakmice koja se računa u kaznu.

(5) Kazna zabrane igranja i kazna zabrane vršenja funkcije teče od dana saopštenja iste kažnjenom igraču, odnosno sportskom radniku ili njegovom klubu, a ako je igrač, odnosno sportski radnik bio suspendovan, kazna teče od dana kada mu je saopštena odluka o suspenziji, odnosno od dana kada je nastupila automatska suspenzija.

(6) Ostale vrste kazni se izvršavaju od dana pravosnažnosti odluke o kazni.

(7) Prvostepeni disciplinski organ po službenoj dužnosti prati izvršenje kazne.

#### **Član 115.**

##### **(Greške u odluci disciplinskog organa)**

(1) Greške u pisanju imena i brojeva, kao i druge očigledne greške u pisanju i računanju u odluci o prekršaju ispravljaju se po službenoj dužnosti ili na prijedlog okrivljenog, podnosioca prijave i disciplinskog tužioca NS/FS BiH.

(2) Ako se radi o greškama u tekstu u kojem se navode činjenice i okolnosti koje čine obilježje prekršaja, odredbe Pravilnika ili izrečena kazna, ispravljena odluka se obavezno dostavlja licima koja imaju pravo žalbe i u tom slučaju, rok za žalbu teče od dana dostavljanja predmetne odluke.

## **VII Žalbeni postupak**

### **Član 116. (Subjekti prava na žalbu)**

Žalbu mogu izjaviti:

- a) kažnjeni,
- b) tužilac,
- c) klub čiji je član kažnjen.
- d) podnosilac prijave

### **Član 117. (Postupak po žalbi na odluku prvostepenog organa)**

(1) Protiv prvostepene odluke dozvoljena je žalba nadležnom drugostepenom disciplinskom organu.

(2) Žalba se podnosi u roku od osam dana od prijema pismene odluke prvostepenog organa ili od proteka roka do kojeg je prvostepeni disciplinski organ trebao okončati postupak a to nije uradio.

(3) Žalba se predaje pismeno prvostepenom disciplinskom organu koji će ispitati da li je žalba blagovremena, dopuštena i propisno taksirana i u roku od tri dana cijeli predmet dostaviti drugostepenom organu na odlučivanje.

(4) Ako za žalbu nije uplaćena propisana taksa žalitelj će se pozvati da je uplati u roku od 24 sata.

(5) Neblagovremenu, nedopuštenu ili propisno netaksiranu žalbu prvostepeni organ će odbaciti rješenjem na koje žalitelj ima pravo žalbe drugostepenom organu u roku od tri dana.

### **Član 118. (Upotpunjavanje prvostepenog postupka)**

(1) Kada prvostepeni disciplinski organ koji je donio odluku o prekršaju, povodom žalbe, ustanovi da postupak nije bio potpun u pogledu dokaza i činjenica, a to je moglo biti od uticaja na pravilnost i zakonitost rješenja o prekršaju, on će postupak upotpuniti u granicama navoda u žalbi.

(2)Žalbu sa spisom predmeta prvostepeni disciplinski organ dostavlja drugostepenom disciplinskom organu u roku od tri dana nakon što je utvrdio da su protekli rokovi za izjavljivanje žalbi po osnovu iz člana 117. st. 5., odnosno od dana kada je postupak upotpunjen u skladu sa st. 1. ovog člana.

### **Član 119.** **(Odluka drugostepenog disciplinskog organa)**

(1)Drugostepeni disciplinski organ će odbaciti žalbu kao neblagovremenu ili nedopuštenu ako je to propustio da uradi prvostepeni disciplinski organ.

(2)Rješavajući o žalbi drugostepeni disciplinski organ može odluku o prekršaju **potvrditi, preinačiti ili ukinuti**.

(3)Drugostepeni disciplinski organ odbiće žalbu i **potvrditi** prvostepenu odluku kada utvrdi da ne postoje razlozi zbog kojih se odluka pobija ili da nema drugih razloga zbog kojih se odluka može ukinuti ili preinačiti.

(4)Drugostepeni disciplinski organ će **preinačiti** prvostepenu odluku ako utvrdi da je sproveden postupak iako su postojali razlozi za njegovo obustavljanje, ako utvrdi da je u prvostepenom postupku činjenično stanje pravilno utvrđeno, ali da se ima donijeti drugačija odluka ili ako nađe da postoje takve povrede pravilnika koje se mogu otkloniti bez ukidanja prvostepene odluke ili da prilikom odmjeravanja kazne, odnosno određivanja troškova disciplinskog postupka nisu uzete u obzir okolnosti koje su od uticaja na pravilno donošenje ovih odluka ili ako okolnosti, koje se uzete u obzir, nisu pravilno ocjenjene, kao i kada nađe da je prvostepeni disciplinski organ pogrešno ocjenio isprave i dokaze koje nije sam izveo, a odluku je zasnovao na tim dokazima.

(5)Drugostepeni disciplinski organ će **ukinuti** prvostepenu odluku i predmet vratiti na ponovni postupak ako utvrdi da postoji povreda disciplinskog postupka koja je bila ili mogla biti od uticaja na zakonito rješavanje disciplinske stvari ili ako nađe da zbog pogrešno i nepotpuno utvrđenog činjeničnog stanja treba sprovesti novi postupak.

(6)Drugostepeni disciplinski organ će **ukinuti** prvostepenu odluku kada utvrdi da ju je donio stvarno nenadležni disciplinski organ i predmet uputiti stvarno nadležnom disciplinskom organu.

(7)Prvostepeni disciplinski organ kojem je predmet vraćen na ponovni postupak dužan je da izvede sve radnje i raspravi sva pitanja na koja je ukazao drugostepeni organ.

(8)Ako je žalba izjavljena samo u korist okrivljenog, drugostepena odluka ne smije biti izmijenjena na njegovu štetu u odnosu na pravnu kvalifikaciju prekršaja i na sankciju.

(9) Drugostepeni disciplinski postupak mora biti okončan u roku od tri mjeseca od dana prijema žalbe.

## **IV IZVRŠENJE PRAVOSNAŽNIH ODLUKA DRUGIH ORGANA**

### **Član 120. (Odluke FIFA i UEFA)**

Pravosnažne i izvršne odluke nadležnih organa FIFA i UEFA izvršava Disciplinska komisija NS/FS BiH, po zahtjevu tih organa.

### **Član 121. (Odluke pravnih tijela i komiteta)**

(1) Pravosnažne i izvršne odluke nadležnih organa (komisija i komiteta), u vezi sa sporom klub – igrač, klub – klub, entitetskih organa, kantonalnih i organa NS/FS BiH, izvršava Disciplinska komisija NS/FS BiH i određuje rok od 15 dana, o čemu donosi odluku.

(2) Disciplinska komisija NS/FS BiH ne izvršava pravosnažne odluke redovnih sudova, niti rješava sporove klub – trener.

### **Član 122. (Izjavljivanje žalbe)**

(1) Žalbu na odluku Disciplinske komisije NS/FS BiH može izjaviti Apelacionoj komisiji NS/FS BiH klub i podnosilac zahtjeva iz čl. 120. ovog pravilnika u roku od osam dana od dana prijema odluke, uz uplaćenu propisanu taksu.

(2) Žalba ne odlaže izvršenje odluke iz čl. 120 i 121. ovog pravilnika.

# V VANREDNI PRAVNI LIJEKOVI

## I Ponavljanje postupka

### **Član 123. (Razlog za ponavljane postupka)**

(1) Postupak koji je pravosnažnom odlukom nadležnog organa završen može se ponoviti:

- a) ako se dokaže da je pravosnažna odluka zasnovana na lažnim dokumentima;
- b) ako postoje nove činjenice i novi dokazi koji bi bili od uticaja na odluku, a za koje učinilac prekršaja ranije nije znao.

(2) Nije dozvoljeno podnošenje prijedloga za ponavljanje postupka u slučaju odluka o suspenziji.

### **Član 124. (Subjekti i rok za prijedlog)**

(1) Prijedlog za ponavljanje postupka može podnijeti svako lice i svi organi iz člana 116. ovog pravilnika.

(2) Prijedlog za ponavljanje postupka podnosi se u roku od 3 (tri) mjeseca od dana dostavljanja pravosnažne odluke.

### **Član 125. (Nadležni organ u ponavljanju postupka)**

(1) Prijedlog za ponavljanje postupka podnosi se Izvršnom odboru Nogometnog/Fudbalskog saveza čiji je disciplinski organ riješavao predmet u prvom stepenu.

(2) Izvršni odbor nadležan za rješavanje, ako usvoji prijedlog za ponavljanje postupka, predmet će dostaviti disciplinskom organu koji je donio prvostepenu odluku na ponovno postupanje.

(3) Prijedlog za ponavljanje postupka ne zadržava izvršavanje pravosnažne odluke o kazni.

## **II Vanredno ublažavanje kazne**

### **Član 126. (Razlozi za ublažavanje kazne)**

Kada postoje nesumnjivi dokazi da je izrečena kazna ostvarila svoju vaspitnu i sportsko-etičku svrhu, ili kada su se pojavile nove okolnosti nastale nakon pravosnažnosti odluke o kazni ili okolnosti koje su postojale u vrijeme izricanja kazne za koje disciplinski organ nije znao i druge okolnosti, koje bi, prema svojoj prirodi, da su uzete u obzir prilikom odmjeravanja kazne, očigledno na nju uticale da bude blaža po visini ili vrsti, ili bi izazvale oslobađanje učinioca prekršaja, može se donijeti odluku o ublažavanju kazne ili oslobađanju od daljeg izdržavanja kazne.

### **Član 127. (Molba za vanredno oblažavanje kazne i organ odlučivanja)**

(1) Molba za vanredno ublažavanje kazne može podnijeti kažnjeni samo jednom u toku iste takmičarske godine, pod uslovom da je proteklo 2/3 izrečene kazne.

(2) Molba za vanredno ublažavanje kazne podnosi se putem nadležnog komiteta za propise izvršnom odboru nogometnog/fudbalskog saveza čiji je disciplinski organ donio odluku o prekrešaju.

## **VI PRELAZNE I ZAVRŠNE ODREDBE**

### **Član 128. (Donošenje provedbenih propisa)**

Izvršni odbor NS/FS BiH donosi provedbene propise za primjenu ovog pravilnika.

### **Član 129. (Primjena pravilnika)**

Ukoliko je prekršaj počinjen prije stupanja na snagu ovog pravilnika, primjenjivaće se odredbe Disciplinskog pravilnika donesenog 25.06.2013. godine, ukoliko su povoljnije za počinioca prekršaja.



**Član 130.**  
**(Stupanje na snagu)**

(1) Ovaj pravilnik usvojen je na sjednici IO NS/FS BiH, održanoj dana 27.12.2014. godine i stupa na snagu osmog dana od dana objavljivanja u Službenom glasniku NS/FS BiH „Nogomet/Fudbal BiH“.

(2) Stupanjem na snagu ovog pravilnika prestaje važenje Disciplinskog pravilnika od 25.6.2013. godine.

**PREDSJEDNIK**  
**Elvedin Begić, s.r.**